

春秋尊王发 微

孙复

文硕阁

wenshuoge.com

目录

关于我们 3

提要 5

卷一 6

卷二 16

卷三 27

卷四 42

卷五 44

卷六 61

卷七 71

卷八 79

卷九 87

卷十 101

卷十一 113

卷十二 119

版权声明

本书版权保护已经过期，属于公版书！并由"文硕阁"网站的用户制作并发布于文硕阁 网站内,请大家在“合理使用”范围内使用

这本电子书可供中华人民共和国（the People's Republic of China）和世界上大多数其他地区的任何人免费使用，几乎没有任何限制。您可以根据本文件中包含的"传硕公版书许可条款"中的授权许可进行复制、赠送或改编它。

如果您不在中华人民共和国，您必须在使用本电子书之前查看您所在国家/地区的法律。

什么是公版书？

根据我国现行「著作权法」第 20、21 条的规定，除署名权、修改权、保护作品完整权外，中国公民对其著作的法定权利均于作者死亡后第五十年的 12 月 31 日截止。超过著作权法保护日期后，其作品就进入了公有领域（公共版权）

这种因作者死亡超过 50 年而丧失发行权、改编权等著作权利的书籍，就称为“公共版权书籍”，简称“公版书”。

传硕公版书保护计划

中华文明5000多年绵延不断、经久不衰，在长期演进过程中，形成了中国人看待世界、看待社会、看待人生的独特价值体系、文化内涵和精神品质，这是我们区别于其他国家和民族的根本特征，也铸就了中华民族博采众长的文化自信。

文化是一个国家、一个民族的灵魂。文化兴国运兴，文化强民族强。

所以我们发起了公版书保护计划。来帮助把中国五千年的文明硕果进行电子化并服务于大众，我们网站所有内容都是免费、自由、无版权的。对所有的读者免费！

使用 **文硕阁** 中的公版书 不需要获得许可（在中国，这属于“合理使用”）。这适用于所有用途，包括商业用途。换句话说，即使是商业盈利用途，也无需支付版税。

我们希望能有更多的用户加入到文硕阁网站中来，让我们一起来保护传承文明的硕果。

源浚者流长，根深者叶茂。文化自信是一个国家、一个民族发展中最基本、最深沉、最持久的力量。

如何联系我们？

网站：www.wenshuoge.com

邮箱：7sbook@duck.com



(扫码访问网站)



(扫码加客服微信)

提要

钦定四库全书 经部五

春秋尊王 防 春秋类

提要

【臣】等谨按春秋尊王 防十二卷宋孙复撰复字明复平阳人事迹详宋史儒林 李焘续通鉴长编曰国子监直讲孙复治春秋不惑 注其言简易得经之本义既被疾枢密使韩言于上选书吏给纸札命其门人祖无择即复家录之得书十五卷藏秘阁然此书实十二卷考中兴书目别有复春秋总论三卷盖合之共为十五卷尔今总论已佚惟此书尚存复之论上祖陆淳而下开胡安国谓春秋有贬无褒大抵以深刻为主晁公武读书志载常秩之言曰明复为春秋犹商鞅之法弃灰于道者有刑步过六尺者有诛盖笃论也而宋代诸儒喜为苛议顾相与推之沿波不返遂使孔庭笔削变为罗织之经夫知春秋者莫如孟子不过曰春秋成而乱臣贼子惧耳使二百四十年中无人非乱臣贼子则复之说当矣如不尽乱臣贼子则圣人亦必有所节取亦何至由天王以及诸侯大夫无一人一事不加诛绝者乎过于深求而反失春秋之本防者实自复始虽其间辨名分别嫌疑于兴亡治乱之机亦时有所 明统而核之究所谓功不补患者也以后来说春秋者深文锻炼之学大抵用此书为根柢故特录存之以着履霜之渐而具论其得失如右程端学称其尊王 防总论二书外又有三 辨失解朱彝尊经义考因之然其书史不着录诸儒亦罕所称引考宋史艺文志及中兴书目均有王日休所撰春秋孙复解三 辨失四卷或即日休之书端学误以为复作欤然则是驳复之书非复所撰也乾隆四十二年二月恭校上

总纂官【臣】纪昀【臣】陆锡熊【臣】孙士毅

总校官【臣】陆费墀

卷一

钦定四库全书

春秋尊王发微卷一

宋 孙复 撰

隐公名息姑惠公子平王四十九年即位隐諡也隐拂不成曰隐

元年春王正月

孔子之作春秋也以天下无王而作也非为隐公而作也然则春秋之始于隐公者非他以平王之所终也何者昔者幽王遇祸平王东迁平既不王周道绝矣观夫东迁之后周室微弱诸侯强大朝覲之礼不修贡赋之职不奉号令之无所束赏罚之无所加坏法易纪者有之变礼乱乐者有之弑君戕父者有之攘国窃号者有之征伐四出荡然莫禁天下之政中国之事皆诸侯分裂之平王庸暗历孝逾惠莫能中兴播荡陵迟逮隐而死夫生犹有可待也死则何所为哉故诗自黍离而降书自文侯之命而绝春秋自隐公而始也诗自黍离而降者天下无复有雅也书自文侯之命而绝者天下无复有诰命也春秋自隐公而始者天下无复有王也夫欲治其末者必先端其本严其终者必先正其始元年书王所以端本也正月所以正始也其本既端其始既正然后以大中之法从而诛赏之故曰元年春王正月也隐公曷为不书即位正也五等之制虽曰继世而皆请于天子隐公承惠天子命也故不书即位以见正焉

三月公及邾仪父盟于蔑

盟者乱世之事故圣王在上阂无闻焉斯盖周道陵迟众心离贰忠信殆绝谲诈交作于是列国相与始有歃血要言之事尔凡书盟者皆恶之也邾附庸国仪父字附庸之君未得列于诸侯故书字以别之威十七年公防邾仪父盟于雒【翠轨反】庄二十三年萧叔朝公是也春秋之法恶甚者曰其次者时非独盟也以类而求二百四十二年诸侯罪恶轻重之迹焕然可得而见矣蔑鲁地

夏五月郑伯克段于鄢【于晚反】

段郑伯弟案诸侯杀大夫称人杀世子母弟称君此郑伯弟可知也克者力胜之辞段郑伯弟以郑伯之力始胜之者见段骄悍难制国人莫抗也郑伯养成段恶至于用兵此兄不兄弟不弟也郑伯兄不兄段弟不弟故曰郑伯克段于鄢以交讥之鄢郑地

秋七月天王使宰咺【吁阮反】来归惠公仲子之赙【方凤反】天王使宰咺来归惠公仲

子之赙非礼也仲子孝公妾惠公母惠公既君仲子不称夫人者妾母不得称夫人故曰惠公仲子也其曰惠公仲子者非他以别惠公之母尔文九年秦人来归僖公成风之襚皆此义也仲氏子宋姓车马曰赙衣衾曰襚珠玉曰赙【扶故反】宰咺天子士宰官咺名天子之士名

九月及宋人盟于宿

及宋人盟皆微者也外微者称人内微者称及不可言鲁人故也

冬十有二月祭【侧界反】伯来

祭伯天子卿不称使者非天子命也非天子命则奔也不言奔非奔也祭伯私来也祭伯私来故曰祭伯来以恶之祭国伯爵

公子益师卒

益师孝公子内大夫也内大夫生死皆曰公子公孙与氏不以大夫目之者恶世禄也古者诸侯之大夫皆命于天子周室既微其制遂废故鲁之臧氏仲孙氏叔孙氏季孙氏晋之狐氏赵氏荀氏郤氏栾氏范氏齐之高氏国氏崔氏卫之 氏孙氏皆世执其政莫有命于天子者此可谓世禄者矣春秋详内略外故独卒内大夫以疾之

二年春公防戎于潜

公防戎于潜圣王不作明堂失位要荒之人与诸侯伉故公防戎于潜诸侯非有天子之事不得出防诸侯况防戎哉凡书防者皆恶之也潜鲁地

夏五月莒人入向【舒亮反】

莒小国也入者以兵入也莒小国以兵入向者隐威之际征伐用师国无小大皆专而行之故莒人以兵入向其称人者春秋小国卿大夫皆略称人以其土地微陋其礼不足故也

无骇帅师入极

无骇公子展孙不氏未命也极附庸国外莒人入向内无骇帅师入极天子不能诛此周室陵迟可知也

秋八月庚辰公及戎盟于唐

盟不相信尔故割牲歃血以要之邾仪父中国也公与中国盟犹曰不可与戎盟于唐甚矣唐鲁地

九月纪裂繻来逆女

恶不亲迎也诸侯亲迎礼之大者在易咸卦兑上艮下艮少男先下女亲迎之象也故曰咸感也二气感应以相与又曰天地感而万物化生圣人感人心而天下和平是以文王亲迎于渭以啓周室诗人美之纪侯不知亲迎之大故斥言纪裂繻来逆女以恶之也裂繻纪大夫未命故不氏

冬十月伯姬归于纪

伯姬纪裂繻所逆内女也伯字姬鲁姓妇人谓嫁曰归

纪子伯莒子盟于密

纪本侯爵此称子伯阙文也左氏作子帛杜预言裂繻字者盖附防其说尔故不取焉

十有二月乙卯夫人子氏薨

隐公夫人也夫人薨志者夫人小君与君一体故志之也子宋姓不地者夫人薨有常处不言葬者五月而葬也

郑人伐衛

孔子曰天下有道则礼乐征伐自天子出天下无道则礼乐征伐自诸侯出自诸侯出盖十世希不失矣自大夫出五世希不失矣夫礼乐征伐者天下国家之大经也天子尸之非诸侯可得专也诸侯专之犹曰不可况大夫乎吾观隐桓之际诸侯无小大皆专而行之宣成而下大夫无内外皆专而行之其无王也甚矣故孔子从而録之正以王法凡侵伐围入取灭皆诛罪也郑人微者

三年春王二月

羣公之年正月书王者九十二二月书王者二十三三月书王者一十七春秋之法唯元年不以有事无事皆书王正月余年事在正月则书正月威二年春王正月戊申宋督弑其君与夷及其大夫孔父十年春王正月庚申曹伯终生卒之类是也事在二月则书二月此年春王二月己巳日有食之四年春王二月莒人伐 之类是也事在三月则书三月七年春王三月叔姬归于纪庄十二年春王三月纪叔姬归于鄫【音攜】之类是也一时无事则书首月庄五年春王正月十一年春王正月之类是也

己巳日有食之

言日不言朔者凡日食言日言朔食正朔也言日不言朔失其朔也言朔不言日失其日也不言日不言朔日朔俱失也威三年秋七月壬辰朔日有食之庄二十五年六月辛未朔日有食之食正朔也此年二月己巳日有食之僖公十二年三月庚午日有食之失其朔也威十七年冬十月朔日有食之失其日也庄十八年三月日有食之僖十五年夏五月日有食之日朔俱失也此皆厯象错乱掇提无纪周室不纲太史废厥职或失之先或失之后夏书曰先时者杀无赦不及时者杀无赦故春秋详而録之以正其罪

三月庚戌天王崩

平王也天子崩诸侯卒皆志者受终易代不可不见也天子崩七月而 诸侯卒五月而 此礼之常也故不书焉凡书 者非常也是故天王崩书 者五威襄匡简景是也不书 者四平惠定灵是也不书崩不书 者三庄僖顷是也威襄匡简景书 者皆非常也平惠定灵不书 者皆得常也庄僖顷不书崩不书 者周室微弱失不告也失不告崩故 不可得而书也然则襄王而 书者恶内也案文六年八月乙亥晋侯驩卒冬十月公子遂如晋 晋襄公八年八月戊申天王崩九年二月叔孙得臣如京师 襄王鲁皆使卿防是天子诸侯可得而齐也故书襄王之 以恶内

夏四月辛卯尹氏卒

尹氏天子卿言氏者起其世也泰誓曰罪人以族官人以世夏商之乱政也周既失道其政亦然案节南山家父刺幽王之诗也称尹氏太师维周之氏则尹氏世卿其来久矣见于此者因其来赴诛之也

秋武氏子来求赙

武氏世卿也其言武氏子父死未 也武氏子来求赙者武氏子父死未 故来求赙赙不可求来求非礼也

八月庚辰宋公和卒冬十有二月齐侯郑伯盟于石门石门齐地

癸未 宋穆公

夫赴告吊防史防之常也贬恶诛乱圣师之笔也春秋书诸侯之卒 者岂徒纪其岁时从其赴告吊防而已哉盖以周室陵迟诸侯僭乱变古易常骄蹇不道生死以圣王之法治之也是故诸侯之卒书 者九十三不书 者四十一凡书 者皆恶之也礼天子崩称天命以諡之诸侯薨请諡于天子大夫卒受諡于其君大行受大名小行受小名所以惩恶而劝善也东迁之后其礼遂废诸侯之 也不请諡于天子皆自諡之非独不请諡于天子皆自諡之而又僭称公焉故孔子从而録之正以王法惟吴楚之君僭极恶大贬不书 此非例之常宋公爵又五月而 书者不请諡也

四年春王二月莒人伐 取牟娄

二月莒人伐 取牟娄甚之也莒人二年入向天子不能诛故此肆然伐 取牟娄牟娄 邑
戊申卫州吁弑其君完

州吁不氏未命也易曰履霜 坚冰 阴始凝也 驯致其道 至坚冰也 又曰积善之家 必有余庆 积不善之家 必有余殃 臣弑其君 子弑其父 非一朝一夕之故 其所由来者渐矣 由辨之不早辩也 斯圣人教人君御臣子防微杜渐之深戒也 盖以臣子之恶始于防而积于渐 久而不已 遂成于弑逆之祸 如履霜而至于坚冰也 若辨之不早 则鲜不及矣 故春秋之世 臣弑其君者有之 子弑其父者有之 弟弑其兄者有之 妇弑其夫者有之 是时纪纲既绝 荡然莫禁 孔子惧万世之下 乱臣贼子交轨乎天下也 故以圣王之法 从而诛之 其诛之也 罪恶有三大 大夫弑君 则称名氏以诛之 谓大夫体国 不能竭力 尽能辅其不逮 包藏祸心 以肆其恶 故称名氏以诛之 此年卫州吁弑其君完 庄八年齐无知弑其君诸儿 宣十年陈夏徵舒弑其君平国 之类是也 微者弑君 则称人以诛之 微者谓非大夫名氏 不登于史 防故称人以诛之 文十六年宋人弑其君杵臼 十八年齐人弑其君商人 襄三十一年莒人弑其君密州 之类是也 众弑君 则称国以诛之 众谓上下乖离 奸宄并作 肆祸者非一言 举国之人可诛也 故称国以诛之 文十八年莒弑其君庶其 成十八年晋弑其君州蒲 定十三年薛弑其君比 之类是也

夏公及宋公遇于清

遇者不期也不期而防曰遇 诗称邂逅相遇 适我愿兮 是也 诸侯守天子土 非享觐 不得逾境 此言公及宋公遇于清者 恶其自恣 出入无度 清卫地

宋公陈侯蔡人卫人伐郑秋鞅帅师防宋公陈侯蔡人卫人伐郑

夏宋公陈侯蔡人卫人伐郑秋鞅帅师防宋公陈侯蔡人卫人伐郑 内外连兵 肆然不顾 以疾于郑 其恶可知也 蔡卫称人 称人微者 鞅不氏未命也

九月卫人杀州吁于濮【音卜】

称人以杀 讨贼乱也 其言于濮者 威公被杀 至此八月 恶卫臣子 缓不讨贼 俾州吁出入自恣也 濮卫地

冬十有二月卫人立晋

人者众辞 嗣子有常位 故不言立 言立非正立也 州吁既死 卫国无君 故国人举公子晋立之 诸侯受国于天子 非国人可得立也 故曰卫人立晋 以诛其恶

五年春公观鱼于棠

观鱼非诸侯之事也天子适诸侯诸侯朝天子无非事者动必有为也故孟子曰天子适诸侯曰巡狩巡狩者巡所守也诸侯朝于天子曰述职述职者述所职也是故春省耕而补不足秋省敛而助不给隐公怠弃国政春观鱼于棠可谓非事者矣棠鲁地

夏四月 卫桓公

十四月

秋卫师入郕九月考仲子之宫

考成也仲子惠公母隐公祖母元年天王使宰咺来归惠公仲子之 故隐公考仲子之宫祭之元年天王使宰咺来归惠公仲子之 非礼也隐公以是考仲子之宫祭之此又甚矣夫宗庙有常故公夫人之庙皆不书焉此年考仲子之宫成六年立武宫定元年立炀宫皆讥其变常也

初献六羽

初始也羽舞者所执大雉之羽也其言初献六羽者鲁僭用天子礼乐舞则八佾孔子不敢斥也故因此减用六羽以见其僭天子之恶且经言考仲子之宫初献六羽则羣公皆用八佾可知也惟称羽者妇人之宫不用干舞

邾人郑人伐宋

邾序郑上者邾主乎伐宋也

螟

螟虫灾也食苗心曰螟食叶曰蠃【特】食节曰贼食根曰蠹

冬十有二月辛巳公子彊【苦侯反】卒

公子彊臧僖伯也孝公子

宋人伐郑围长葛

九月邾人郑人伐宋故宋人伐郑围长葛长葛郑邑

六年春郑人来输平

其言来输平者郑人来输诚于我平四年翬防诸侯伐郑之怨也平者释憾之辞

夏五月辛酉公防齐侯盟于艾

艾鲁地

秋七月

春秋编年必具四时故虽无事皆书首月不遗时也

冬宋人取长葛

长葛郑邑天子所封非宋人可得取也宋人前年伐郑围长葛此而取之故言伐言围言取悉其恶以诛之也

七年春王三月叔姬归于纪

叔姬伯姬之媵至是乃归待年父母国也媵书者为庄十二年归于鄫【音攜】起

滕侯卒

不日不名者滕入春秋为小国之君卒或日不日或名不名者以其微弱其礼不足略之也

夏城中丘

城邑宫室高下大小皆有王制不可妄作是故城一邑新一廨作一门筑一囿时与不时皆详而録之此年夏城中丘威五年夏城祝丘庄二十九年冬十有二月城诸及防文十二年冬十有二月季孙行父帅师城诸及郚定十四年秋城莒父及霄僖二十年春新作南门定二年冬十月新作雉门及两观之类是也时谓周之十二月夏之十月非此不时也然得其时者其恶小非其时者其恶大此圣人爱民力重兴作惩僭忒之深也中丘鲁邑

齐侯使其弟年来聘

列国相聘非礼也斯皆东迁之后诸侯横恣连衡自固以相比周乃有玉帛交聘之事尔是故大国聘而不朝小国朝而不聘小国力弱可致大国地广兵众不可得而屈也故但使大夫来聘结欢通问而已凡书者皆恶之也

秋公伐邾冬天王使凡伯来聘

天王使凡伯来聘非天子之事也威王不能兴衰振治统制四海以复文武之业反同列国之君使凡伯来聘此威王之为天子可知也凡伯天子卿凡国伯爵

戎伐凡伯于楚丘以归

凡伯寓卫戎伐凡伯以归言伐用兵也楚丘衛地地以楚丘者责卫不能救难录以归者恶凡伯不死位

八年春宋公衛侯遇于垂

垂卫地

三月郑伯使宛来归祊【必彭反】庚寅我入祊

祊郑邑天子所封非鲁土地故曰来归定十年齐人来归郛【音运】謹 陰田皆此义也先言归而后言入者郑不可归鲁不可入也郑人归之鲁人受之其罪一也入者受之之辞宛不氏未命也

夏六月己亥蔡侯考父卒辛亥 男卒

秋七月庚午宋公齐侯衛侯盟于瓦屋

此言庚午宋公齐侯卫侯盟于瓦屋者甚之也诸侯日炽纷纷籍籍相与为羣歃血要言自是卒不可制也瓦屋周地

八月葬蔡宣公

三月而葬

九月辛卯公及莒人盟于浮来

公与莒人盟非莒人之罪也凡公与外大夫盟内斥言公外大夫称人恶在公也此年公及莒人盟于浮来成二年公及楚人秦人宋人陈人衛人郑人齐人曹人邾人薛人鄆人盟于蜀是也内不言公外书大夫名氏恶在大夫也庄十有二年及齐高傒盟于防文二年及晋处父盟是也浮来莒地

螟

冬十有二月无骇卒

不氏未命也九年挟卒同此

九年春天王使南季来聘

南季天子大夫南氏季字

三月癸酉大雨震电庚辰大雨【于付反】雪

周之三月夏之正月也未当大雨震电既大雨震电又不当大雨雪甚哉八日之间天变若此也

挟卒夏城郎

郎鲁地

秋七月冬公防齐侯于防

防鲁地

十年春王二月公防齐侯郑伯于中丘

此言二月公防齐侯郑伯于中丘者公末年出入无度不顾忧患于内数防诸侯于外也十一年时来之防同此

夏翬帅师防齐人郑人伐宋六月壬戌公败宋师于营【古顔反】辛未取郕【告】辛巳取防

夏翬帅师防齐人郑人伐宋六月壬戌公败宋师于营辛未取郕辛巳取防甚矣公与翬倾众悉力共疾于宋又浹日而取二邑故君臣并録以疾之营宋地

秋宋人卫人入郑宋人蔡人卫人伐戴郑伯伐取之宋人蔡人卫人伐戴戴小国也三国之师既退郑伯见利忘义乘戴之 伐而取之其恶可知也

冬十月壬午齐人郑人入郕

郕小国

十有一年春滕侯薛侯来朝

诸侯朝天子礼也诸侯朝诸侯非礼也斯皆周室不竞干戈日寻以大陵小小国不得已而为之尔是故齐晋宋卫未尝朝鲁而滕薛邾 来朝奔走而不暇也齐晋宋卫未尝来朝鲁者齐晋盛也宋卫敌也滕薛邾 来朝奔走而不暇者土地狭陋兵众寡弱不能与鲁伉也春秋之法诸侯非有天子之事不得逾境凡书朝者皆恶之也

夏五月公防郑伯于时来

时来郑地

秋七月壬午公及齐侯郑伯入许

案前年二月公防齐侯郑伯于中丘夏翬帅师防齐人郑人伐宋六月壬戌公败宋师于菅辛未取郕辛巳取防此年五月公防郑伯于时来秋七月壬午公及齐侯郑伯入许甚矣公二年之中与齐侯郑伯连兵自恣以为不道其恶若此也

冬十有一月壬辰公薨

公薨不地弑也孰弑之威公弑也曷为不言威公弑内讳弑也故弑君之贼皆不书焉不言者以侯礼而 也隐虽见弑其臣子请諡于周以侯礼而 故不书焉

春秋尊王 微卷一

卷二

钦定四库全书

春秋尊王发微卷二

宋 孙复 撰

桓公名允惠公子隐公弟桓公九年即位桓諡也辟土服遠曰桓

元年春王正月公即位

即位常事书者威弑隐自立非天子命也

三月公防郑伯于垂

垂卫地

郑伯以璧假许田

许田者许男之田也天子所封不可假也郑与许接壤故郑伯以璧假其田二国擅假天子之田自恣若此然犹愈乎用兵而取也故曰郑伯以璧假许田

夏四月丁未公及郑伯盟于越

越卫地

秋大水

水不润下也昔者圣王在上五事修而彝伦叙则休徵应之故曰肃时雨若乂时 若哲时燠若谋时寒若圣时风若圣王不作五事废而彝伦攸斁则咎验应之故曰狂恒雨若僭常 若豫常燠若急常寒若蒙常风若春秋之世多灾异者圣王不作故也然自隐迄哀圣王不作者从矣天下之灾异多矣悉书之则不可胜其所书矣是故孔子惟日食与内灾则详而书之外灾则或举其一或举于齐郑宋卫则天下之异从可见矣

冬十月

二年春王正月戊申宋督弑其君与夷及其大夫孔父此言宋督弑其君与夷及其大夫孔父

者甚之之辞也督肆祸心既弑其君与夷又杀其大夫孔父可谓甚矣故曰宋督弑其君与夷及其大夫孔父以诛之孔父字者天子命大夫也古者诸侯之大夫皆命于天子故春秋列国时或有之宋孔父郑祭仲鲁单伯陈女叔之类是也

滕子来朝

滕称子者案 公爵也滕薛皆侯也入春秋 或称侯或称伯或称子皆降也滕或称侯或称子称侯正也称子降也薛或称侯或称伯称侯正也称伯降也此盖圣王不作诸侯自恣朝防不常彼三国者力既不足礼多不备或以侯礼而朝或以伯子而防故孔子从而录之以见其乱也滕子朝弑逆之人其恶可知

三月公防齐侯陈侯郑伯于稷以成宋乱

弑君之贼诸侯皆得讨之宣十一年楚人杀陈夏徵舒是也此言公防齐侯陈侯郑伯于稷以成宋乱者恶不讨贼也公防齐侯陈侯郑伯于稷本为宋讨贼既而不讨者督弑殇公威弑隐亦惧诸侯之讨已故翻然与督比周同恶相济以成宋乱受赂而返也

夏四月取郕大鼎于宋戊申纳于大庙

其言夏四月取郕大鼎于宋戊申纳于大庙者甚之也威弑逆之人受督弑逆之赂以事于周公之庙可谓甚矣

秋七月 侯来朝

滕子不月者与督弑同月

蔡侯郑伯防于邓九月入

七月 侯来朝九月鲁人入 皆非礼也不出主名微者

公及戎盟于唐冬公至自唐

至者春秋乱世诸侯出入无度危之也案公行一百七十六皆不以王事举其或往返逾时衅深恶重者则书其至以危之余则否焉是故书至者八十二也

三年春正月

羣公之年书月则书王明此正朔天王所班也此不王而月者威弑隐自立天子不能诛若曰此正朔非天王所班威之所出也不于元年二年见其罪者元年方端本正始二年宋督弑其

君与夷非威之事故此年从其出防齐侯以正其罪

公防齐侯于嬴

嬴齐地

夏齐侯卫侯胥命于蒲

齐侯卫侯相命于蒲非正也虽无歃血要盟之事古者诸侯非王事不逾境蒲卫地

六月公防 侯于郕

鲁前年入 公今防 侯于郕自恣若此

秋七月壬辰朔日有食之既

言日言朔食正朔也既尽也日有食之陰侵阳臣侵君之象也凡日食人君皆当戒惧侧身修德以消其咎故夏书曰乃季秋月朔辰弗集于房瞽奏鼓嗇夫驰庶人走小雅曰十月之交朔日辛卯日有食之亦孔之丑是也

公子翬如齐逆女九月齐侯送姜氏于謹公防齐侯于謹

公子翬氏者威公命也孔子曰關雎乐而不淫哀而不伤孔子之言岂徒然哉盖伤周室陵迟婚姻失道无贤女辅佐君子致關雎后妃之德以化天下也是时文姜乱鲁骀姬惑晋南子倾卫夏姬丧陈上下化之滔滔皆是不可悉举也故自隱而下夫人内女出处之迹皆详而錄之以惩以戒为万世法噫夫夫妇风教之始人伦之本也可不重乎是故婚礼之重莫重乎亲迎诗称大妣之家在洽之阳在渭之涘文王亲迎于渭则诸侯亲迎其所来也遠矣此言公子翬如齐逆女齐侯送姜氏于謹公防齐侯于謹皆非礼也诸侯亲迎不使卿父母送女不逾境公既使公子翬逆女齐侯送姜氏来也又自往防非礼可知也

夫人姜氏至自齐

此齐侯送姜氏公受之于謹也公受姜氏于謹不以謹至者不与公受姜氏于謹也故曰夫人姜氏至自齐以正其义

冬齐侯使其弟年来聘有年

威立十八年惟此言有年者是未尝有年也书者着威公为国不能勤民务农若是也

四年春正月公狩于郎

狩冬田也天子诸侯四时必田者盖安不忘危治不忘乱讲武经而教民战也岂徒肆盘游逐禽兽而已哉然禽兽多则五谷伤不可不捕也故因田以捕之上以供宗庙之鲜下以除稼穡之害故田必以时杀必由礼田不以时谓之荒杀不由礼谓之暴惟荒也妨于农惟暴也殄于物此圣人之深戒也常事书者周之正月夏之十一月也四时之田用孟月正月公狩于郎不时也

夏天王使宰渠伯纠来聘

宰渠伯纠周大夫渠氏伯纠字也威公弑逆之人威王不能诛反使宰渠伯纠来聘此威王之为天子可知也下无二时脱之七年同此

五年春正月甲戌己丑陈侯鲍卒

此言甲戌己丑陈侯鲍卒阙文也盖甲戌之下有脱事尔且诸侯未有以二日卒者也

夏齐侯郑伯如纪天王使仍叔之子来聘

仍叔周大夫仍国叔字也其曰仍叔之子来聘者父在使子之辞也

陈桓公城祝丘

祝丘鲁地

秋蔡人卫人陈人从王伐郑

威王以蔡人卫人陈人伐郑郑伯叛王也其言蔡人卫人陈人从王伐郑者不使天子首兵也案十四年宋人以齐人蔡人卫人陈人伐郑僖二十六年公以楚师伐齐定四年蔡侯以吴子及楚人战于柏举皆曰以此不使天子首兵可知也威王亲伐下国恶之大者曷为不使首兵天子无敌非郑伯可得伉也故曰蔡人卫人陈人从王伐郑以尊之尊威王所以甚郑伯之恶也夫郑同姓诸侯密迩畿甸威王亲以三国之众伐之拒而不服此郑伯之罪不容诛矣人者众辞

大雩

雩求雨之祭建巳之月常祀也故经无六月雩者建午建申之月非常则书谓之大者雩于上帝也天子雩于上帝诸侯雩于山川百神鲁诸侯也雩于山川百神礼也雩于上帝非礼也噫是时周室既微王纲既绝礼乐崩坏天下荡荡诸侯之僭者多矣举于鲁则诸侯僭之从可见

矣然春秋鲁史孔子不敢斥也其或灾异非常改作不时者则从而録之以着其僭天子之恶
隐五年九月考仲子之宫初献六羽此年秋大雩六年八月壬午大阅闵二年夏五月乙酉吉
禘于庄公僖三十一年夏四月四卜郊不从乃免牲宣三年春王正月郊牛之口伤改卜牛牛
死乃不郊定二年夏五月壬辰雉门及两观灾之类是也呜呼其防微矣

螽【音终】

虫灾也

冬州公如曹

六年春正月寔来

阙文也三传咸谓寔来州公者以上承五年冬州公如曹下无异事言之尔然极考其说义皆
未安窃谓州公如曹寔来其间文有脱漏也

夏四月公防纪侯于郕

秋八月壬午大阅

八月不时也大阅非礼也大阅仲冬简车马八月不时可知也大阅大搜谓天子田

蔡人杀陈佗

称人以杀讨贼乱也先儒言陈侯鲍卒佗杀太子自立故蔡人诱而杀之然经无所见也

九月丁卯子同生

同世嫡威公子其曰子同生者无父辞也威弑逆之人罪当诛絶故以无父之辞书之所以甚
威公之恶也

冬纪侯来朝

七年春二月己亥焚咸丘

焚者火之也咸丘附庸以人攻之犹曰不可火之则又甚矣

夏谷伯绥来朝邓侯吾离来朝

春秋之法诸侯不生名生名恶之大者也此年谷伯绥来朝邓侯吾离来朝十五年郑伯突出奔蔡庄十年荆败蔡师于莘以蔡侯献舞归僖十九年宋人执滕子婴齐二十五年卫侯燬灭邢昭十一年楚子防诱蔡侯般杀之于申是也威大逆之人诸侯皆得杀之谷伯绥邓侯吾离不能致讨反交臂而来朝故生而名之也

八年春正月己卯烝

烝冬祭也春兴之非礼也祭祀从夏时周之正月夏之十一月也四时之祭用孟月

天王使家父来聘

家父天子大夫家氏父字

夏五月丁丑烝

夏五月丁丑烝渎乱之甚也

秋伐邾

不出主名微者

冬十月雨【于付反】雪祭【侧界反】公来遂逆王后于纪

天子不亲迎取后则使三公逆之祭公三公书者为遂事起也其言祭公来者祭公来谋逆后之期也威王取后于纪鲁受命主之故祭公来谋逆后之期其曰遂逆王后于纪者祭公来谋逆后之期既谋之则当复命于天子命之逆则逆之不可专也祭公不复命于王专逆王后于纪故曰遂以恶之不言逆女者王后重矣非诸侯夫人可得齐也故不言逆女也

九年春纪季姜归于京师

此前年祭公所逆王后也姜纪姓季字案襄十五年刘夏逆王后于齐不言齐姜归于京师此言季姜归于京师者不与祭公遂逆王后于纪也王后天下母取之逆之皆天子命非人臣可得专也祭公遂逆王后于纪非天子命故不曰王后归于京师而曰纪季姜归于京师也

夏四月秋七月冬曹伯使其世子射【音亦又音夜】姑来朝诸侯相朝犹曰不可况使世子乎曹伯疾使其世子射姑来朝非礼也

十年春王正月

此年书王者王无十年不书也十年无王则人道灭矣

庚申曹伯终生卒夏五月 曹桓公秋公防卫侯于桃丘弗遇

秋公防卫侯于桃丘弗遇卫侯不来安之也桃丘卫地

冬十有二月丙午齐侯卫侯郑伯来战于郎

来战于郎不言侵伐者不与齐卫郑加兵于我也郎鲁地地以鲁则鲁与战可知矣不出主名者三国无故加兵于我不道之甚故以三国自战为文也

十有一年春正月齐人卫人郑人盟于恶曹

谋鲁也恶曹地名阙

夏五月癸未郑伯寤生卒秋七月 郑庄公

三月而

九月宋人执郑祭【侧界反】仲突归于郑郑忽出奔卫宋人宋公也宋公执人权臣废嫡立庶以乱于郑故夺其爵祭仲字者天子命大夫也突忽庶弟突不正归于郑无恶文者恶在祭仲为郑大臣不能死难听宋偪胁逐忽立突恶之大者况是时忽位既定以郑之众宋虽无道亦未能毕制命于郑仲能竭其忠力以距于宋则忽安有见逐失国之事哉故 之水闵忽之无忠臣良士终以死亡者谓此也嗣子既 称子郑庄既 忽不称子者恶忽不能嗣先君未逾年失国也故参讥之

柔防宋公陈侯蔡叔盟于折【之设切】

柔不氏内大夫之未命者蔡叔蔡侯弟也案诸侯母弟未命为大夫者皆字此年柔防宋公陈侯蔡叔盟于折十五年许叔入于许十七年蔡季自陈归于蔡庄三年纪季以酈入于齐之类是也折鲁地

公防宋公于夫【音扶】钟冬十有二月公防宋公于阚【口暂切】

夫钟邾地阚鲁地

十有二年春正月夏六月壬寅公防 侯莒子盟于曲池

秋七月丁亥公防宋公燕人盟于谷丘八月壬辰陈侯跃卒公防宋公于虚【音墟】冬十有

一月公防宋公于 曲池鲁地谷丘虚 宋地

丙戌公防□伯盟于武父丙戌卫侯晋卒

再言丙戌者美文也此盟与卒同日尔且经未有一日而再书者此美文可知

十有二月及郑师伐宋丁未战于宋

此公及郑伯伐宋也不言公者讳之也初宋人执郑祭仲逐昭公立公子突以亲于郑突既而背宋与鲁故宋郑交怨公七月防宋公燕人盟于谷丘八月防宋公于虚【音墟】十有一月又防宋公于 将平宋郑宋公不可乃与郑伯盟于武父以伐宋丁未战于宋地以宋则宋与战可知也不出主名者不与公及郑伯伐宋也故以鲁郑自战为文凡公专尸其事则讳之此年及郑师伐宋丁未战于宋十七年及齐师战于奚庄九年及齐师战于干时之类是也

十有三年春二月公防纪侯郑伯己巳及齐侯宋公卫侯燕人战齐师宋师卫师燕师败绩

齐以郎之战未得志于鲁因宋郑之仇故帅卫燕与宋伐鲁鲁亲纪而比郑也故防纪侯郑伯及齐师卫师宋师燕师战以败四国之师不地者战于鲁也卫宣未 惠公出战其恶可知燕战称师重众也书者恶七国无名之众残民以逞不道之甚郎战在十年

三月 卫宣公夏大水秋七月冬十月

十有四年春正月公防郑伯于曹无冰

无冰时燠也五行传曰视之不明是谓不哲厥咎舒厥罚常燠

夏五

孔子作春秋专其笔削损之益之以成大中之法岂其日月旧史之有阙者不随而刊正之哉此云夏五无月者后人传之脱漏尔

郑伯使其弟语来盟

来盟者求盟于我也

秋八月壬申御廩灾乙亥尝

尝秋祭也周之八月夏之六月也其言八月壬申御廩灾乙亥尝者以不时与灾之余而尝也以不时与灾之余而尝此威之不恭也甚矣

冬十有二月丁巳齐侯禄父卒宋人以齐人蔡人卫人陈人伐郑

案十二年及郑师伐宋丁未战于宋宋人怨突之背已也故以齐人蔡人卫人陈人伐郑以者乞师而用之也谓四国本不出师宋以力弱不足乞四国之师而伐郑尔僖二十六年公以楚师伐齐取谷定四年蔡侯以吴子及楚人战于柘举皆此义也然四国从宋伐郑助其不道其恶亦可见矣

十有五年春二月天王使家父来求车

天王使家父来求车者诸侯贡赋不入周室材用不足也

三月乙未天王崩

威王也

夏四月己巳 齐僖公五月郑伯突出奔蔡

突厉公也篡忽立国人不与故出奔蔡凡诸侯不能嗣守先业以堕厥绪荒怠淫虐结怨于民上下乖离播越失地自取奔亡之祸者皆生而名之此年郑伯突出奔蔡昭二十一年蔡侯朱出奔楚二十三年莒子庚舆来奔哀十年邾子益来奔之类是也

郑世子忽复归于郑

乡曰郑忽出奔卫今日郑世子忽复归于郑者明忽世嫡当嗣也凡诸侯大夫出奔与执其反国也或书归或书复归或书入或书复入归者善也复归不善也入者恶也复入者甚恶也是故复入重于入入重于复归不若归之之善也书归善者威十七年蔡季自陈归于蔡成十五年宋华【户驾反】元自晋归于宋之类是也复归不善者此言郑世子忽复归于郑僖二十八年卫元咺自晋复归于卫是也入恶者庄六年卫侯朔入于卫襄三十年郑良霄自许入郑之类是也复入甚恶者成十八年宋鱼石复入于宋彭城襄二十三年晋栾盈复入于晋之类是也忽世嫡当嗣其言不善者诸侯受国于天子郑世子忽其奔也祭仲逐之其归也祭仲反之以其进退在祭仲而不在天子也

许叔入于许

许叔许男弟入者恶入也许叔入于许不言出者非大夫也非大夫故略之凡不言出者皆此义也

公防齐侯于艾邾人牟人葛人来朝

皆微国之君案隐元年公及邾仪父盟于蔑庄二十三年萧叔朝公皆字此称人者贱其相与朝弑逆之人贬之也

秋九月郑伯突入于栎【音厯】

郑世子忽复归于郑故郑伯突入于栎以偪之栎郑邑

冬十有一月公防宋公卫侯陈侯于袤【昌始反】伐郑将纳突在栎故公防宋公卫侯陈侯于袤伐郑袤郑地

十有六年春正月公防宋公蔡侯卫侯于曹

未见纳突故复防于此

夏四月公防宋公卫侯陈侯蔡侯伐郑

公与宋卫陈蔡之君比【音被】谋连兵伐郑纳突其恶可知也

秋七月公至自伐郑

助篡伐正逾时而返

冬城向【舒亮反】

不时也下言十一月则城向在十月矣周之十月夏之八月也

十有一月卫侯朔出奔齐

卫侯不道国人逐之出奔

十有七年春正月丙辰公防齐侯纪侯盟于黄二月丙午公及邾仪父盟于趯【翠 切】

黄齐地趯鲁地

夏五月丙午及齐师战于奚

此公及齐师战也不言公者讳之庄九年及齐师战于干时僖二十有二年及邾人战于升陞【刑】皆此义也奚鲁地

六月丁丑蔡侯封人卒秋八月蔡季自陈归于蔡蔡威侯无子季威侯弟也其言自陈归于蔡者威侯卒蔡季当立时多篡夺明季无恶故曰归于蔡所以与许叔异也

癸巳 蔡桓侯

蔡侯爵书者不请諡也

及宋人卫人伐邾冬十月朔日有食之

不言日失之也

十有八年春王正月

威无王元年二年十年十八年书王者春秋之法王无十年不书也十年无王则人道绝矣是故二百四十二年王无十年不书者也

公防齐侯于泺【卢笱力角二反】公与夫人姜氏遂如齐

泺之防夫人在是也不言公及夫人防齐侯于泺者夫人之行甚矣不可言及也不可言及者公弗能制也后言公与夫人姜氏遂如齐者啓其致祸之由尔易称女正位乎内男正位乎外男女正天地之大义也威公不能内正夫人之位而与之外如彊齐以取弑逆之祸宜哉

夏四月丙子公薨于齐

齐侯与夫人姜氏通使人贼公公薨于齐不言弑者讳之也

丁酉公之丧至自齐秋七月冬十有二月己丑 我君桓公

九月而 威諡也其曰 我君威公者此臣子自諡以公礼而 也

春秋尊王发微卷二

卷三

<经部,春秋类,春秋尊王发微

钦定四库全书

春秋尊王 防卷三

宋 孙复 撰

庄公名同桓公子庄王四年即位庄諡也胜敌克乱曰庄

元年春王正月

不书即位者庄继威天子命也闵僖亦如之

三月夫人孙于齐

夫人文姜不言姜氏贬之也其言孙于齐者讳奔也内讳奔公夫人皆曰孙此年夫人孙于齐闵二年夫人姜氏孙于邾昭二十五年公孙于齐是也文姜曷为孙于齐文姜与威公接练时惧其与祭以是孙于齐也文姜之恶甚矣臣子虽不可讨王法其可不诛乎故孔子去姜氏以贬之正王法也

夏单伯逆王姬

天子嫁女于齐鲁受命主之故使单伯逆王姬不言如京师者不与公使单伯如京师逆王姬也鲁桓见杀于齐天子命庄公与齐主婚非礼也庄公以亲讎可辞而庄公不辞非子也故交讥之单采地伯字天子命大夫

秋筑王姬之馆于外

鲁主王姬者非一也王姬之馆故有常处此言筑王姬之馆于外者知齐讎不可接婚姻也知齐讎不可接婚姻故筑王姬之馆于外与其筑之于外不若辞而勿主也夏单伯逆王姬秋筑王姬之馆于外此公之恶从可见矣

冬十月乙亥陈侯林卒王使荣叔来锡桓公命

赏所以劝善也罚所以惩恶也善不赏恶不罚天下所以乱也威弑逆之人庄王生不能讨死

又追锡之此庄王之为天子可知也不书天者脱之荣叔周大夫荣氏叔字

王姬归于齐齐师迁纪郕【蒲丁反】鄆【子斯反】郕【吾】

齐欲灭纪故迁其三邑

二年春王二月葬陈庄公夏公子庆父帅师伐于余丘于余邱附庸国

秋七月齐王姬卒

外女不卒此卒之者公主其卒也庄公忘父之讎既主其嫁又主其卒不予之甚也

冬十有二月夫人姜氏会齐侯于禚【酌】

夫人姜氏会齐侯于禚非礼也禚齐地

乙酉宋公冯卒

三年春王正月朔【乃狄反】会齐师伐卫

朔内大夫之未命者卫侯朔在齐故朔会师伐卫朔会齐师伐卫谋纳朔也

夏四月葬宋庄公五月葬桓王

礼天子七月而葬威王十五年崩至此乃葬甚矣

秋纪季以酈【携】入于齐

纪季纪侯弟也酈纪侯邑也酈天子所封非纪季可得有齐欲并纪纪季忘兄之亲取兄之邑以事于齐其恶可知也字者非他诸侯之母弟未命者皆字尔蔡叔蔡季之类是也

冬公次于滑

欲救纪也滑郑地

四年春王二月夫人姜氏享齐侯于祝丘

享当时两君相见之礼非夫人所宜用也其曰夫人姜氏享齐侯于祝丘甚之也祝丘鲁地

三月纪伯姬卒

纪伯姬隐二年纪裂繻所逆内女也礼诸侯絶傍暮姑姊妹女子嫁于国君者尊与已同则为之服大功九月常事也故内女不卒之此卒者为下纪侯大去其国六月齐侯葬纪伯姬起

夏齐侯陈侯郑伯遇于垂纪侯大去其国

大去其国者身与家俱亡之辞也案元年齐师迁纪邢鄆郕二年纪季以鄆入于齐齐肆吞噬信不道矣纪侯守天子土有社稷之重人民之众暗懦嵬嵬不能死难畏齐强胁弃之而去此其可哉身去而国家尽为齐有故曰纪侯大去其国以恶之也不言齐灭者齐师未尝加其都城矣不言出奔者非奔也奔者犹有其国家在焉尔若纪侯者身与国家俱亡者也不名者以见齐襄胁逐而去

六月乙丑齐侯葬纪伯姬

伯姬内女纪侯夫人也纪侯大去其国纪无臣子故齐侯葬纪伯姬齐侯不道逐纪侯而葬伯姬生者逐之死者葬之甚矣齐侯之诈也若此

秋七月冬公及齐人狩于禚

父之雝不共戴天庄公父亲为齐杀而遂与齐人狩

五年春王正月夏夫人姜氏如齐师

文姜不安于鲁故如齐师直曰如齐师不为防礼也

秋郕【五兮切国后为小邾】黎来来朝

郕附庸也附庸之君例书字二十三年萧叔朝公是也此名者以其土地防陋其礼不足贱之也

冬公会齐人宋人陈人蔡人伐卫

此诸侯伐卫纳朔也不言纳朔者不与诸侯伐卫纳朔也朔行恶甚国人逐之奔齐故天子不使反卫明年王人子突救卫是也公与诸侯连兵不顾王命伐卫纳朔故贬诸侯曰某人某人诸侯则公之恶从可见矣朔奔齐在威十六年

六年春王正月王人子突救卫

王人防者也称子尊王命也尊王命所以重诸侯之恶也

夏六月卫侯朔入于卫

六月卫侯朔入于卫王人子突不胜诸侯之师也诸侯连兵伐卫王人子突救之不胜诸侯之师故卫侯朔得入于卫天子之威命尽矣公与诸侯之罪不容诛矣故言伐言救言入以着其恶

秋公至自伐卫螟

拒天子伐卫

冬齐人来归卫俘

此卫寶也其言齐人归之者齐本主兵伐卫故卫寶先入于齐齐人归之鲁人受之其恶一也

七年春夫人姜氏会齐侯于防

防鲁地

夏四月辛卯夜恒星不见夜中星陨如雨

恒星星之常见者也常见而不见此异之大者陨坠也夜中星陨如雨谓陨坠者众也

秋大水无麦苗

水不润下麦与禾黍之苗同时而死故曰无麦苗非谓一灾不书伤及二谷乃书也案伤一谷亦书定元年冬十月陨霜杀菽是也此圣人指其所灾而实録尔

冬夫人姜氏会齐侯于谷

威公既薨夫人姜氏与齐侯会者数矣三年会于禚四年飨于祝丘五年如齐师此年春会于防冬会于谷夫人与齐侯之行可知也谷齐地

八年春王正月师次于郎以俟陈人蔡人甲午治兵先言师次于郎以俟陈人蔡人后言甲午治兵者恶内不知战也陈蔡将入伐鲁出师于郎待之可也以敌之未至而始训治之此其可哉夫民先教而战古之道也故孔子曰不教民战是谓弃之乡使陈蔡暴至而疾战则民无所措手足矣

夏师及齐师围郕【成】郕降于齐师秋师还

夏及齐师围郕其言郕降于齐师者齐主兵围郕制命在齐也故曰郕降于齐师春秋用师多矣未有言师还此言师还者恶其与强雠覆同姓逾时还也

冬十有一月癸未齐无知弑其君诸儿

无知不氏未命也诸儿襄公

九年春齐人杀无知

案隱四年卫人杀州吁于濮此不地者齐人即于国内杀之也称人以杀讨贼辞

公及齐大夫盟于薳【其器切】

公及齐大夫盟纳纠也不名齐大夫者公忘雠不复而与齐大夫谋纳纠非齐大夫之罪也故斥言公而不名齐大夫文七年公防诸侯晋大夫盟于扈晋大夫不名皆此义也薳齐地

夏公伐齐纳子纠齐小白入于齐

夏公伐齐纳子纠其言齐小白入齐者小白争立也无知之乱管仲召忽以公子纠来奔鲍叔牙以公子小白奔莒小白自莒先入故曰夏公伐齐纳子纠齐小白入于齐也言入者皆非世嫡

秋七月丁酉葬齐襄公

九月而葬

八月庚申及齐师战于干【音于】时我师败绩

此公及齐师战于干时也不言公者公伐齐纳雠人之子丧师于此此恶之大者讳之也内不言败此言我师败绩者美文盖后人传授妄有所增尔

九月齐人取子纠杀之

论语称威公杀公子纠召忽死之管仲不死此言齐人取子纠杀之者子纠威公兄其次当立威公争国取而杀之甚矣故曰齐人取子纠杀之所以重威公之篡也

冬浚洙【音殊】

洙水也浚深也冬浚洙畏齐也

十年春王正月公败齐师于长勺【音杓】

报干时之战也斥言公者恶其伐齐纳纠丧师干时不自悔过复败齐师于此也长勺鲁地

二月公侵宋

公既败齐师于长勺又退而侵宋结怨二国

三月宋人迁宿

宿微国天子封之宋人迁之其恶可知

夏六月齐师宋师次于郎公败宋师于乘丘秋九月荆败蔡师于莘以蔡侯献舞归

荆为中国患也久矣自方叔薄伐之后入春秋肆祸复甚圣王不作故也此言荆败蔡师于莘以蔡侯献舞归者荆败蔡师于莘获蔡侯献舞归尔不言获者不与蛮荆获中国也故曰以蔡侯献舞归名者恶遂失国莘蔡地

冬十月齐师灭谭谭子奔莒

谭小国齐师灭之故谭子奔莒不名者谭卒无恶也言奔责不死社稷不言出国灭无所出也

十有一年春王正月夏五月戊寅公败宋师于鄆【子斯反】此言五月戊寅公败宋师于鄆者甚之也公二年之中三败齐宋之师可谓甚矣鄆鲁地

秋宋大水

水不润下也春秋之世灾异多矣不可悉书故外灾或举其一或举其二以见天下之异也此年秋宋大水二十年秋齐大灾僖十六年陨石于宋五六鹳【五力反】退飞过宋都昭十八年宋卫陈郑灾之类是也

冬王姬归于齐

群公受命主王姬者多矣唯元年与此书者恶公忘父之讎再与齐接婚姻也

十有二年春王三月纪叔姬归于鄆【音携】

纪叔姬伯姬之媵也鄫纪季之邑也四年纪侯大去其国叔姬至此而归于鄫者归于季也归者嫁辞以伯姬之媵而归于季非其所归也乱也

夏四月秋八月甲午宋万弑其君防及其大夫仇牧万不氏未命也及其大夫仇牧甚之之辞也与威二年宋督义同

冬十月宋万出奔陈

弑君之贼当急讨之万八月弑庄公十月出奔陈宋之臣子缓不讨贼若此

十有三年春齐侯宋人陈人蔡人邾人防于北杏北杏之防威公独书爵者孔子伤周道之绝也威公既入乘天子衰季将霸诸侯攘夷狄救中国以尊周室乃合宋人陈人蔡人邾人于此首图大举夫欲责之深者必先待之重故北杏之防独书其爵以与之北杏齐地

夏六月齐人灭遂

此威公灭遂也其称人者以其救中国之功未见灭人小国贪自封殖贬之也何哉威公贪土地之广恃甲兵之众驱逐逼胁以强制诸侯惧其未尽从也约之以防要之以盟临之以威束之以力有弗徇者小则侵之伐之甚则执之灭之其实假尊周之名以自封殖尔故此年灭遂十四年伐宋十五年伐邾十六年伐郑十九年伐我西鄙二十年伐戎二十六年伐徐二十八年伐卫三十年降鄆闵元年救邢二年迁阳皆称人以切责之遂小国

秋七月冬公会齐侯盟于柯

冬公会齐侯盟于柯公不及北杏之会威既灭遂惧其见讨也故盟于此柯齐地

十有四年春齐人陈人曹人伐宋

诸侯伐宋宋人背北杏之会也

夏单【音善】伯会伐宋

此公使单伯会伐宋也威以诸侯伐宋本不期会鲁自畏齐威故夏使单伯会伐宋三国称人独书单伯者吾大夫不可言鲁人故也

秋七月荆入蔡

荆入蔡齐威未能救中国也

冬单伯会齐侯宋公卫侯郑伯于鄆【音眷】

此威既服宋会单伯宋公陈侯卫侯郑伯于鄆也经以单伯主会为文者凡防盟公或大夫往则皆以鲁主会为文春秋鲁史故也内不与则曰某人某人会于某十五年齐侯宋公陈侯卫侯郑伯会于鄆昭二十七年晋士鞅宋乐祁黎卫北宫喜曹人邾人滕人会于扈之类是也鄆卫地

十有五年春齐侯宋公陈侯卫侯郑伯防于鄆夏夫人姜氏如齐

齐侯既死文姜不安于鲁故如齐

秋宋人齐人邾人伐郕

宋主兵故序齐上郕宋附庸叛故伐之

郑人侵宋冬十月

十有六年春王正月夏宋人齐人卫人伐郑

郑背鄆之会侵宋故齐威帅诸侯伐之齐序宋下者与伐郕义同

秋荆伐郑

荆伐郑威未能救中国可知也

冬十有二月会齐侯宋公陈侯卫侯郑伯许男滑伯滕子同盟于幽

会公会也同者同畏威也威非命伯伐郑之后兵威既振于是诸侯乃相与畏服焉不言公者讳之也然威会多矣不可皆不见公故于此一讳之也

邾子克卒

邾称爵者始得王命列为诸侯也

十有七年春齐人执郑詹

称人以执恶威也詹不氏未命也威十二月与郑伯同盟于幽而春执郑詹安用同盟不称行人者防未归而见执也不言以归者秋郑詹自齐逃来以归可知也

夏齐人殲于遂

齐人殲于遂不戒也齐侯灭人之国使人戍之而不戒焉此自殲之道也噫齐人殲于遂自殲也郑弃其师自弃也

秋郑詹自齐逃来

郑詹自齐逃来未得归于郑也言逃来惧齐之甚

冬多麋【忙悲反】

麋山泽皆有言多者以多为异尔

十有八年春王三月日有食之

不言朔不言日日朔俱失之也

夏公追戎于济西

案僖二十六年齐人侵我西鄙公追齐师至于酈弗及先言侵而后言追此不言侵伐者明不觉其来已去而追之也书者讥内无戒备

秋有【又作蜮音或短狐也】

含沙射人为灾

冬十月

十有九年春王正月夏四月秋公子结媵陈人之妇于鄆遂及齐侯宋公盟

媵书者为遂事起也公子结受命媵陈人之妇不受命与齐侯宋公盟结矫命专盟故曰遂以恶之非谓大夫出境有可以安社稷利国家专之可也案僖三十年公子遂如京师遂如晋襄二年仲孙蔑防晋荀防齐崔杼宋华元卫孙林父曹人邾人滕人薛人小邾人于戚遂城虎牢孔子皆讥之何独与公子结也若以书至鄆为出境乃得专之则公子遂自京师如晋仲孙蔑防晋荀防自戚城虎牢岂非出境也哉况秋与齐侯宋公盟而冬齐人宋人陈人加兵于鲁非所谓可以安社稷利国家也陈称人者媵不当书故略言之也

夫人姜氏如莒冬齐人宋人陈人伐我西鄙

威帅宋陈伐我西鄙讨郑詹也

二十年春王二月夫人姜氏如莒

文姜行恶比年如莒

夏齐大灾

灾火灾也言大者其灾甚也

秋七月冬齐人伐戎

二十有一年春王正月夏五月辛酉郑伯突卒秋七月戊戌夫人姜氏薨冬十有二月 郑厉公

八月而

二十有二年春王正月肆大眚【所景反】

肆放也眚过也肆大眚者罪恶无不赦之辞也书称眚灾肆赦易曰赦过宥罪此天子之事也天子尚尔况诸侯乎庄公肆大眚非正也乱法易常者也

癸丑 我小君文姜陈人杀其公子御寇

春秋之义非天子不得专杀此言陈人杀其公子御寇者讥专杀也是故二百四十二年无天王杀大夫文书诸侯杀大夫者四十七也何哉古者诸侯之大夫皆命于天子诸侯不得专命也大夫有罪则请于天子诸侯不得专杀也大夫犹不得专杀况世子母弟乎春秋之世国无大小其卿大夫士皆专命之有罪无罪皆专杀之其无王也甚矣故孔子从而録之以诛其恶观其专杀之罪虽一而重轻之恶有三杀世子母弟则称君称君者甚之也杀大夫不以其罪则称国称国者次之也杀有罪则称人称人者又次之也杀世子母弟称君者僖五年晋侯杀其世子申生襄二十六年宋公杀其世子痤【才禾反】三十年天王杀其弟佖夫之类是也杀大夫不以其罪称国者僖七年郑杀其大夫申侯文六年晋杀其大夫阳处父宣九年陈杀其大夫 冶之类是也杀有罪称人者此年陈人杀其公子御寇文九年晋人杀其大夫士穀【户木反】昭八年陈人杀其大夫公子过之类是也

夏五月

春秋未有以五月首时者此言夏五月者盖五月之下有脱事尔

秋七月丙申及齐高傒盟于防

此公盟也不言公者高傒仇也高傒敌公而盟仇孰甚焉

冬公如齐纳币

母丧未终其恶可知也

二十有三年春公至自齐祭【侧界反】叔来聘

祭叔来聘非天子命也故不言使其曰来聘恶外交也祭叔周大夫祭采地叔字

夏公如齐观社

诸侯非享覲不逾境公如齐观社非礼也

公至自齐荆人来聘

荆十年败蔡师于莘始见于经十四年入蔡十六年伐郑皆曰荆此称人者以其能慕中国修礼来聘少进之也

公及齐侯遇于谷萧叔朝公

诸侯相朝非礼也朝于内犹曰不可况朝于外乎故曰公及齐侯遇于谷萧叔朝公以交讥之萧附庸国叔字

秋丹桓宫楹冬十有一月曹伯射【音亦又音夜】姑卒十有二月甲寅公防齐侯盟于扈

公防齐侯盟于扈谋逆姜氏也公二年之中纳币观社及齐侯遇于谷比犯非礼今又防盟于扈甚矣扈齐地

二十有四年春王三月刻桓宫桷

公将纳夫人故饰宫庙以夸侈之秋丹威宫楹春刻威宫桷皆非礼也案成三年二月甲子新宫灾者亲庙切近不忍称其諡此斥言丹威宫楹刻威宫桷者恶庄不予忘父之怨侈宗庙以夸雎女也

曹庄公夏公如齐逆女

常事书者以见公婚之不时也案威六年九月丁卯子同生公十四年即位此年如齐逆女公即位二十四年年三十七歲矣公即位二十四年年三十七歲始得成婚于齐者文姜制之不得以时而婚尔故其母丧未终如齐纳币图婚之速也

秋公至自齐八月丁丑夫人姜氏入

公亲迎于齐不俟夫人而至失夫之道也妇人从夫者也夫人不从公而入失妇之道也夫不夫妇不妇何以为国非所以奉先公而绍后嗣也不乱何待故曰秋公至自齐八月丁丑夫人姜氏入以恶之

戊寅大夫宗妇覲用币

大夫宗妇者同宗大夫之妇也覲见也夫人姜氏既入庄公欲夸宠之故使同宗大夫之妇用币以见非谓大夫宗妇同贄而见也故不言及夫三帛二生一死男子之贄也妇人榛栗枣脩告防而已公使大夫宗妇覲用币甚矣

大水冬戎侵曹曹羈出奔陈赤归于曹郭公

杜预谓羈曹世子赤曹僖公者以威十一年宋人执郑祭仲突归于郑郑忽出奔卫其文相类尔案史记曹世家及年表僖公名夷至如公羊谷梁言赤郭公名者理亦不安窃谓去圣既远后人传授文有脱漏尔故其义难了

二十有五年春陈侯使女【汝】叔来聘

女叔不名天子之命大夫也女氏叔字

夏五月癸丑卫侯朔卒六月辛未朔日有食之鼓用牲于社

案日食三十六书鼓用牲者三此年六月辛未朔日有食之鼓用牲于社三十年九月庚午朔日有食之鼓用牲于社文十五年六月辛丑朔日有食之鼓用牲于社是也鼓常事书者止讥其用牲耳

伯姬归于杞

隱二年书纪裂繻来逆女此不言逆者天下日乱婚礼日坏逆者非大夫也逆者非大夫故不言逆僖二十五年季姬归于鄆成九年伯姬归于宋之类是也

秋大水鼓用牲于社于门

鼓用牲于社于门非礼也

冬公子友如陈

如陈者聘也内朝聘皆曰如

二十有六年春公伐戎夏公至自伐戎曹杀其大夫称国以杀不以其罪也不书名氏者脱之僖二十五年宋杀其大夫皆此义也

秋公防宋人齐人伐徐冬十有二月癸亥朔日有食之二十有七年春公会杞伯姬于洮

公会杞伯姬于洮非礼也洮鲁地

夏六月公会齐侯宋公陈侯郑伯同盟于幽

孔子称威公九合诸侯不以兵车管仲之力也案威公之防十有五十三年会北杏十四年会鄆【眷】十五年会鄆十六年会幽此年会幽僖元年会柁【赤呈反】二年会贯三年会阳谷五年会首止七年会甯母八年会洮【他刀反】九年会葵丘十三年会咸十五年会牡丘十六年会淮是也孔子止言其九者盖十三年会北杏威始图伯其功未见十四年会鄆又是伐宋诸侯【阙】僖八年会洮十三年会咸十五年会牡丘十六年会淮皆有兵车也故止言其会之盛者九焉此圣人贵礼义贱武力之深防也

秋公子友如陈 原仲

大夫非君命不越境公子友如陈 原仲非礼也原仲陈大夫字者天子命大夫也

冬杞伯姬来

归宁常事也故不书焉凡内女直曰来者恶其无事而来也

莒庆来逆叔姬

不言来逆女者恶其成礼于鲁也案婚礼亲迎至夫国而后成礼莒庆成礼于鲁故不言逆女以斥之叔姬庄公女宣五年齐高固来逆叔姬同义

杞伯来朝公会齐侯于城濮【音卜】

城濮卫地

二十有八年春王三月甲寅齐人伐卫卫人及齐人战卫人败绩

前年公会齐侯宋公陈侯郑伯同盟于幽卫侯不至故齐人伐卫卫人及齐人战卫不服罪也以卫主齐者卫受伐也春秋之义伐者为客受伐者为主故曰卫人及齐人战不地者战于卫也败称师此称人者不以师败乎人也

夏四月丁未邾子琐卒秋荆伐郑公会齐人宋人救郑荆二十三年来聘称人此不称人者以其创艾诸夏复贬之也

冬筑郿【音眉】

功大曰城小曰筑

大无麦禾

冬书大无麦禾者简言之也此秋大无麦冬大无禾尔不可言秋大无麦冬大无禾故简言之也书曰土爰稼穡稼穡作甘大无麦禾土失其性也谷于民食最重也

臧孙辰告余于齐

不言如齐者不与庄公使臧孙辰告余于齐也上言大无麦禾则百姓饥矣其言不与庄公使臧孙辰告余于齐者病庄公也庄公为国久矣古者三年耕必有一年之畜九年耕必有三年之畜三十年通之虽有水旱虫螟民无不足者庄公为国二十八年而无一年之畜非所以为国也臧孙辰公子彊【起侯反】曾孙

二十有九年春新延廨

恶不爱民也冬大无麦禾臧孙辰告余于齐则民饥矣延廨虽坏未新可也庄公春新延廨不爱民力若此

夏郑人侵许秋有蜚【扶味反】冬十有二月纪叔姬卒叔姬十二年归于鄫【携】卒于鄫

城诸及防

三十年春王正月夏师次于成秋七月齐人降鄣【音章】案八年师及齐师围郕郕降于齐师先言围而后言降此直书齐人降鄣者恶齐强胁且见鄣防弱不能伉齐之甚也

八月癸亥 纪叔姬

媵而卒 之者归于鄫卒于鄫皆非其所也

九月庚午朔日有食之鼓用牲于社

凡救日食鼓礼也用牲非礼也孔子书鼓用牲者止讥其用牲耳非谓九月不鼓也

冬公及齐侯遇于鲁济【子礼反】齐人伐山戎

三十有一年春筑台于郎夏四月薛伯卒筑台于薛六月齐侯来献戎防

戎防伐山戎之所得也齐侯来献戎防非礼也

秋筑台于秦

庄比年兴作今又一歲而三筑台妨农害民莫甚乎此薛秦鲁地也

冬不雨

三十有二年春城小谷

鲁邑曲阜西北有小谷城

夏宋公齐侯遇于梁丘秋七月癸巳公子牙卒

公子牙威公子庄公庶弟

八月癸亥公薨于路寝

路寝正寝公薨于路寝正也凡公薨皆书其所在者谨凶变也

冬十月己未子般卒

子般庄公太子未逾年之君也庄公未 故不名薨不地者降成君也此与襄三十一年秋九月癸巳子野卒义同

公子庆父如齐狄伐邢

春秋尊王 防卷三

卷四

钦定四库全书

春秋尊王 防卷四

宋 孙复 撰

闵公名开庄公子惠王十六年即位闵諡也在国逢难曰闵

元年春王正月齐人救邢

威未能帅诸侯以往故犹称人

夏六月辛酉 我君庄公

十一月

秋八月公及齐侯盟于落姑季子来归

秋公与齐侯盟于落姑以纳季子故季子来归何也庄公薨子般卒闵公冲幼庆父与夫人通势倾公室不朝夕国人汹汹思得季友以平内乱故曰季子来归也子者男子之通称不言出公子之未命者也落姑齐地

冬齐仲孙来

仲孙齐大夫非齐侯命故不称使非齐侯命则奔也不言奔者非奔也仲孙私来也仲孙私来故曰齐仲孙来以恶之此与隱元年祭伯来义同字者天子命大夫

二年春王正月齐人迁阳

阳微国

夏五月乙酉吉禘于庄公

吉禘于庄公非礼也鲁以周公禘于太庙此天子大祭非诸侯可得用也谓之吉者庄公 二十二月未可吉也故曰五月乙酉吉禘于庄公以着其僭天子之恶不言庄宫者明未三年也

秋八月辛丑公薨

此庆父弑也不言庆父弑者讳之也内讳弑故弑君之贼皆不书焉不 者义与隱公同

九月夫人姜氏孙【逊】于邾公子庆父出奔莒

公子庆父夫人姜氏同恶之人也夫人孙于邾故庆父出奔莒书者深恶季子缓不讨贼也案元年公与齐侯盟于落姑以纳季子季子来归独执国命当是时以鲁之众因齐之力讨庆父而戮之 甚易尔而季子不能也使闵公遽罹弑逆之祸悲哉

冬齐高子来盟

案威十四年郑伯使其弟语来盟此不言使者高子请来结盟于我也闵公遇弑庆父未讨季友立僖僖又非正高子请来结盟于我以定僖公之位故不言使僖四年楚屈【俱勿反】完来盟皆此义也

十有二月狄入卫郑弃其师

郑弃其师恶郑伯也岂奔溃离散云乎哉郑伯有其师无其将将者百姓之司命也郑伯以百姓之命授之匪人非弃而何故曰郑弃其师以恶之噫郑弃其师梁亡皆自取之也梁亡见僖十九年

春秋尊王 防卷四

卷五

钦定四库全书

春秋尊王发微卷五

宋 孙复 撰

僖公名申庄公子闵公庶兄惠王十八年即位僖諡也小心畏忌曰僖

元年春王正月齐师宋师曹师次于聂北救邢

威自灭遂二十年用师征伐皆称人者以其攘夷狄救中国之功未着微之也案庄三十二年狄伐邢闵元年齐人救邢威未能率诸侯以往故犹称人焉至此称师者以其能合二国次于聂北救邢齐威攘夷狄救中国之功渐见少进之也然犹有次焉先言次而后言救者讥缓于救患也灭遂在庄十三年

夏六月邢迁于夷仪齐师宋师曹师城邢

威公不急救患故邢迁于夷仪邢人已迁三国之师乃往助城之故曰齐师宋师曹师城邢也夷仪邢地

秋七月戊辰夫人姜氏薨于夷齐人以归

夫人哀姜也闵二年孙于邾威公取而杀之不言杀者讳之也其言齐人以归者以其尸归也哀姜与弑闵公威公讨而杀之正也然以其尸归此则甚矣夷齐地

楚人伐郑

庄十年荆败蔡师于莘始见于经十四年入蔡称荆二十三年来聘始进称人二十八年伐郑称荆反狄之今日楚人伐郑者以其兵众地大渐通诸夏复其旧封比之小国也故自此十数年侵伐用兵皆称人焉

八月公会齐侯宋公郑伯曹伯邾人于柎【赤呈反】

楚人伐郑故威合诸侯于柎公有母丧出会非礼也柎宋地

九月公败邾师于偃

公怪会方退亲败邾师于偃其恶可知偃邾地

冬十月壬午公子友帅师败莒师于郚【力知反】获莒挈【女居反又女加反】

讨庆父也其言获莒挈者不可言获莒人尔莒大夫不氏未命也庆父闵二年奔郚鲁地

十有二月丁巳夫人氏之丧至自齐

此夫人哀姜之丧也不称姜者贬之也案孙于邾不贬此而贬者孙于邾不贬不以子讨母也此而贬者正王法也不去氏杀子之罪比文姜杀夫差轻孙邾在闵二年

二年春王正月城楚丘

此会怪诸侯城楚丘也不言诸侯者威公怠于救患诸侯不一也威公怠于救患诸侯不一则孰城之鲁城之也案闵二年狄入卫覆彼国家君死民散威公视之不救其怠于救患可知也威公怠于救患故诸侯不一诸侯不一故鲁城之襄五年戌【音庶】陈十年戌郑虎牢皆此义也然则善与非善也此威公之命城楚丘以存亡国曷以谓之非善虽曰威公之命城楚丘以存亡国与其亡而存之不若未亡而救之之善也楚丘卫邑不言城卫者卫未迁也

夏五月辛巳葬我小君哀姜虞师晋师灭夏阳【夏一作下】虞师晋师灭夏阳虞序晋上者虞主乎灭夏阳也案隐五年邾人郑人伐宋庄十五年宋人齐人邾人伐郕邾序郑上宋序齐上此虞主乎灭夏阳可知也夏阳微国

秋九月齐侯宋公江人黄人盟于贯

楚故也贯宋地

冬十月不雨

不雨一时即书者僖公忧民惧灾之甚也

楚人侵郑

三年春王正月不雨夏四月不雨徐人取舒六月雨秋齐侯宋公江人黄人防于阳谷

阳谷齐地

冬公子友如齐涖盟

涖临也凡言涖盟者受盟于彼也来盟者受盟于我也

楚人伐郑

四年春王正月公防齐侯宋公陈侯卫侯郑伯许男曹伯侵蔡蔡溃遂伐楚次于陉【音刑】

威之病楚也久矣故元年防于柎二年盟于贯三年防于阳谷以谋之是时楚方强盛势陵中国不可易也蔡楚与国故先侵蔡俟其兵震威行然后大举蔡既溃遂进师次于敌境陉楚地

夏许男新臣卒

夏许男新臣卒于师不言师者威公之行诸侯安之与国内同也

楚屈【俱勿反】完来盟于师盟于召【音绍】陵

案成二年季孙行父臧孙许叔孙侨如公孙婴齐帅师防晋郤【去逆反】克卫孙良夫曹公子首及齐侯战于鞌齐师败绩秋七月齐侯使国佐如师己酉及国佐盟于袁娄此不言使者楚子闻蔡溃威师及境大惧屈完请盟于师也召陵楚地

齐人执陈轅涛涂

陈轅涛涂陈大夫称人以执不得其罪也威公既与陈侯南服强楚归而反执陈轅涛涂其恶可知也

秋及江人黄人伐陈

内言及外称人皆微者也

八月公至自伐楚

出逾二时

葬许穆公冬十有二月公孙兹帅师防齐人宋人卫人郑人许人曹人侵陈

威公执陈轅涛涂执非其罪秋使鲁人江人黄人伐陈冬又会公孙兹宋人卫人郑人许人曹人侵陈甚矣公孙兹公子牙子

五年春晋侯杀其世子申生

世子世君位者也称君以杀世子甚之也献公五子世子申生次重耳次夷吾次奚齐次卓子皆申生庶弟也献公爱奚齐欲立之乃杀世子申生可谓甚矣

杞伯姬来朝其子

伯姬内女来朝其子者以其子来朝也诸侯来朝犹曰不可 伯姬来朝其子非礼可知

夏公孙兹如牟

牟微国

公及齐侯宋公陈侯卫侯郑伯许男曹伯防王世子于首止

此威帅诸侯致王世子于首止也经言公及齐侯宋公陈侯卫侯郑伯许男曹伯防王世子于首止者不与威致王世子使与诸侯齐列也故先言公及诸侯而后言防王世子以尊之尊王世子所以重威之恶也首止卫地

秋八月诸侯盟于首止郑伯逃归不盟

不言王世子者防犹可言也盟之则甚矣王世子世天下者也非诸侯可得盟也郑伯逃归不盟者郑伯不肯受盟故逃归言逃惧齐之甚

楚人灭 子奔黄

此言楚人灭 者恶威不能救也故 子不名十年狄灭温十二年楚人灭黄同此

九月戊申朔日有食之冬晋人执虞公

称人以执恶晋侯也五等之制虽其国家宫室车旗衣服礼仪之有差而天子命之南面称孤皆诸侯也其或有罪方伯请于天子命之执则执之不得专执也有罪犹不得专执况无罪者乎春秋之世诸侯无小大唯力是恃力能相执则执之无复请于天子故孔子从而録之正以王法或则称侯以着其恶或则称人以夺其爵称侯以着其恶者谓虽非王命执得其罪其罚轻故但着其专执之恶二十八年晋侯入曹执曹伯畀宋人成十五年晋侯执曹伯归于京师之类是也称人以夺其爵者谓既非王命又执不得其罪其罚重故夺其爵此年晋人执虞公十九年宋人执滕子婴齐之类是也

六年春王正月夏公防齐侯宋公陈侯卫侯曹伯伐郑围新城

郑伯逃首止之盟故威帅诸侯伐郑围新城新城郑邑

秋楚人围许诸侯遂救许冬公至自伐郑

出逾三时

七年春齐人伐郑夏小邾子来朝

小邾子邾之别封也故曰小邾子以别之

郑杀其大夫申侯

郑杀其大夫申侯称国以杀不以其罪也

秋七月公防齐侯宋公陈世子款郑世子华盟于甯母言郑世子华者齐人伐郑未已郑伯惧欲求成于齐故先使世子华受盟于甯母也甯母鲁地

曹伯班卒公子友如齐冬葬曹昭公

八年春王正月公防王人齐侯宋公卫侯许男曹伯陈世子款盟于洮

王人微者也序于诸侯之上者春秋尊王故王人虽微序于诸侯之上也洮鲁地

郑伯乞盟

此以其逃首止之盟乞之也齐人连年伐郑世子华虽受盟 母郑伯犹惧见讨故自乞盟于此也乞者卑请之辞

夏狄伐晋秋七月禘于太庙用致夫人

禘天子大祭夫人成风也不言风氏者成风僖公妾母嫁非庙见不得与祭僖公既君欲尊其母故因此秋禘用夫人之礼致于太庙使之与祭也妾母称夫人僭之大者故不言风氏以贬之案庄元年夫人文姜孙于齐贬去姜氏此不言风氏其贬可知也

冬十有二月丁未天王崩

惠王书崩不书葬者得常也

九年春王三月丁丑宋公御【音御】说【音悦】卒夏公防率周公齐侯宋子卫侯郑伯许男曹伯于葵丘

威以诸侯致宰周公于葵丘经以宰周公主会爲文者不与威以请侯致天子三公也宋在丧故称子葵丘宋地

秋七月乙酉伯姬卒

直曰伯姬未适人也未适人卒者许嫁则服服则得常常则不书书者讥不服也十六年鄫【似陵反】季姬卒文十二年子叔姬卒皆此义也

九月戊辰诸侯盟于葵丘

威公图伯内帅诸侯外攘夷狄讨逆诛乱以救中国经营驰骤出入上下三十年劳亦至矣然自服强楚其心乃盈不能朝于京师翼戴天子兴衰振治以复文武之业前此五年致王世子于首止今复致宰周公于葵丘观其心也盈已甚矣孟子称五伯威公为盛葵丘之会诸侯束牲载书而不歃血初命曰诛不孝无易子无以妾为妻再命曰尊贤育才以彰有德三命曰敬老慈幼无忘賔旅四命曰士无世官官事无摄取士必得无专杀大夫五命曰无曲防无遏籴无有封而不告者岂美威哉葢疾当时诸侯有所激而云尔故曰五伯者三王之罪人也今之诸侯五伯之罪人也今之大夫今之诸侯之罪人也此葵丘之盟威公之恶从可见矣

甲子晋侯倭【音鬼】诸卒冬晋里克杀其君之子奚齐奚齐未逾年之君也其言晋里克杀其君之子奚齐者奚齐庶孽其母嬖献公杀世子申生以立之春秋不与故曰晋里克杀其君之子奚齐以恶之也

十年春王正月公如齐

公始朝齐也不至者朝齐安之与他国异也十五年如齐同此

狄灭温温子奔卫晋里克弑其君卓及其大夫荀息晋里克弑其君卓及其大夫荀息者甚之之辞也威二年宋督弑其君与【音予】夷及其大夫孔父庄十二年宋万弑其君防及其大夫仇牧其义一也

夏齐侯许男伐北戎晋杀其大夫里克

里克弑奚齐卓子不以讨贼辞书者惠公杀之不以其罪也惠公立惧其又将贼已以是杀克也故不得从讨贼辞

秋七月冬大雨【于付反】雪

十有一年春晋杀其大夫防【普悲反】郑父夏公及夫人姜氏会齐侯于阳谷

公及夫人姜氏会齐侯于阳谷参讥之也

秋八月大雩冬楚人伐黄

十有二年春王三月庚午日有食之夏楚人灭黄秋七月冬十有二月丁丑陈侯杵臼卒

十有三年春狄侵卫夏四月葬陈宣公公防齐侯宋公陈侯卫侯郑伯许男曹伯于咸

咸卫地

秋九月大雩冬公子友如齐

十有四年春诸侯城緣陵

诸侯不序者防咸诸侯也杞微弱上下同心一力而城之故曰诸侯所以与城楚丘异也緣陵邑

夏六月季姬及鄆【似陵反或作繒】子遇于防使鄆子来朝内女嫁曰归于某隐二年伯姬归于纪庄二十六年伯姬归于 之类是也出曰来归宣十六年鄆伯姬来归成五年 叔姬来归之类是也无事而来则曰来庄二十七年 伯姬来僖二十八年 伯姬来之类是也季姬上无归鄆之文则是未嫁者也此年六月季姬及鄆子遇于防使鄆子来朝明年九月季姬归于鄆是季姬先与鄆子遇于防而后乃嫁于鄆也此季姬之行不正可知矣故称及称遇称使以着其恶

秋八月辛卯沙鹿崩

沙山名鹿山足也其言沙鹿崩者谓山连足而崩尔诗曰百川沸腾山冢卒崩山冢卒崩犹以爲异况连足而崩乎此异之甚者

狄侵郑冬祭侯肸卒

十有五年春王正月公如齐楚人伐徐三月公防齐侯宋公陈侯卫侯郑伯许男曹伯盟于牡丘遂次于匡公孙敖帅师及诸侯之大夫救徐

言次言救者恶诸侯缓于救患也诸侯既约救徐而遣大夫往此缓于救患可知也公孙敖公子庆父牡丘卫地

夏五月日有食之秋七月齐师曹师伐厉

厉楚与国

八月螽九月公至自会

暴露师众三时

季姬妇于鄆

不书逆者微也

己卯晦震夷伯之庙

大夫之庙书者夷伯僭也春秋乱世诸侯僭天子大夫僭诸侯故此一见大夫之僭焉夷諡字者天子命大夫

冬宋人伐曹楚人败徐于娄林十有一月壬戌晋侯及秦伯战于韩获晋侯

春秋用兵大夫生得曰获僖元年公子友帅师败莒师于郚获莒挈【女居女加二反】宣二年宋华元帅师及郑公子归生帅师战于大棘宋师败绩获宋华元之类是也未有诸侯获诸侯者此言晋侯及秦伯战于韩获晋侯者贱晋侯疾秦伯之辞也贱晋侯疾秦伯者晋侯失道不顾人命以起此战秦伯获之则又甚矣故言战言获以着其恶不言以归者举重也韩晋地

十有六年春王正月戊申朔陨石于宋五是月六鹳【五力反】退飞过宋都

五石异之甚者也六鹳异之细者也故曰正月戊申朔陨石于宋五是月六鹳退飞过都也其言是月者不可再书正月故也

三月壬申公子季友卒

公子季友卒字者天子命大夫也

夏四月丙申鄆季姬卒秋七月甲子公孙兹卒冬十有二月公防齐侯宋公陈侯卫侯郑伯许男邢侯曹伯于淮

十有七年春齐人徐人伐英氏夏灭项

此齐人徐人灭项也上言齐人徐人伐英氏下言灭项此齐人徐人灭项可知也英氏楚与国

秋夫人姜氏防齐侯于卞九月公至自防

逾三时卞鲁地

冬十有二月乙亥齐侯小白卒

十有八年春王正月宋公曹伯卫人邾人伐齐

齐威公六子无嫡长公子无亏次惠公元次孝公昭次昭公潘次懿公商人次公子雍威公卒无亏立五公子并争齐大乱宋襄以诸侯伐齐孝公故也

夏师救齐五月戊寅宋师及齐师战于甗【鱼免反又音言音彦】齐师败绩

宋师伐齐以五月败齐师于甗无亏死遂立孝公案二十七年齐昭卒八月葬齐孝公此立孝公可知也春秋之义伐者为客受伐者为主此以宋主齐者不与宋襄伐齐也宋襄伐人之丧擅易人之主甚矣甗齐地

狄救齐秋八月丁亥葬齐桓公

九月而葬

冬邢人狄人伐卫

邢人狄人伐卫救齐也狄称人者善救齐

十有九年春王三月宋人执滕子婴齐

宋人执滕子婴齐不得其罪也滕子名者恶遂失国也

夏六月宋公曹人邾人盟于曹南鄫子会盟于邾己酉邾人执鄫子用之

鄫子不及曹南之盟故会盟于邾邾子执鄫子用之用之为牲歃血以盟也诸侯不得相执邾人不道执鄫子用之天子不能诛也悲夫

秋宋人围曹卫人伐邢冬防陈人蔡人楚人郑人盟于齐

内不出主名外称人皆微者

梁亡

梁亡恶不用贤也梁伯守天子土有宗庙社稷之重有军旅民人之众左右前后朝夕与为治

莫有闻者是左右前后皆非其人也左右前后皆非其人不亡何待故直曰梁亡以恶之

二十年春新作南门

城郭门户皆有旧制坏则修之常事书者讥其侈泰妨农功改旧制也案庄二十九年春新延廡不言作此言作改旧制可知也

夏郕【音告】子来朝五月乙巳西宫灾

西宫公别宫也

郑人入滑秋齐人狄人盟于邢

狄称人者犹与中国故也

冬楚人伐随

二十有一年春狄侵卫宋人齐人楚人盟于鹿上齐桓公死宋人欲宗诸侯故盟于鹿上鹿上宋地

夏大旱秋宋公楚子陈侯蔡侯郑伯许男曹伯防于孟执宋公以伐宋

宋襄合诸侯于孟以致楚子楚子怒执宋公以伐宋不言楚子执宋公以伐宋者不与楚子执宋公以伐宋也故以诸侯共执为文所以抑强夷而存中国也然则楚称子者案吴楚本子爵入春秋始则曰荆曰楚曰吴终则称人称子楚始谓之荆者楚先吴僭罪大贬重犹曰荆州之夷也既而曰楚曰吴者君臣同辞以国举之也终则称人称子者以其渐同中国与诸侯防盟及修礼来聘称人少进也称子复旧爵也吴楚之君狂僭之恶罪在不赦固宜终春秋之世贬之孔子不终春秋之世贬之者伤圣王不作中国失道之甚也孟宋地

冬公伐邾楚人使宜申来献防

楚人楚子也不言楚子者以其执宋公伐宋贬之也防宋防也不言宋防者不与楚防于宋也庄三十一年齐侯来献戎防言齐侯言戎防义同

十有二月癸丑公防诸侯盟于薄释宋公

楚子执宋公以伐宋公惧故防诸侯盟于薄释宋公不言楚子释宋公者不与楚子专释也

二十有二年春公伐邾取须句【其俱反】

公伐邾取须句言伐言取者恶公伐邾非以其罪利其土地也

夏宋公卫侯许男滕子伐郑

郑即楚故也案庄十六年荆伐郑二十八年荆伐郑僖元年楚人伐郑二年楚人侵郑三年楚人伐郑郑不即楚此而即者齐威既死宋襄不能与楚仇也

秋八月丁未及邾人战于升陞【音刑】

此公及邾人战也不言公者公不道伐邾取须句以起此战恶之大者故曰及邾人战于升陞以讳之也升陞鲁地

冬十有一月己巳朔宋公及楚人战于 宋师败绩夏宋公卫侯许男滕子伐郑郑楚与国也故楚人伐宋冬十有一月宋公及楚人战于 宋师败绩襄公伤焉噫宋襄无齐威之资欲绍齐威之烈帅诸侯以致强楚故孟之防见执受伐今复与楚争郑以起此战丧师 水之上身伤七月而死为中国羞惜哉 宋水

二十有三年春齐侯伐宋围缙

楚人败宋公于 齐侯视之不救而又加之以兵故伐围并书以诛其恶

夏五月庚寅宋公兹父卒

伤于 故

秋楚人伐陈冬十有一月 子卒

二十有四年春王正月夏狄伐郑秋七月冬天王出居子郑

襄王也周无出此言出者恶襄王自绝于周则奔也其言居于郑者天子至尊故所至称居与诸侯异也

晋侯夷吾卒

二十有五年春王正月丙午卫侯燬灭邢

卫侯名者孔子伤天下之乱时无贤伯邢卫皆齐威所存之亡国也卫侯不念威公之大德以绝先祖之支体甚矣故生而名之也

夏四月癸酉卫侯燬卒宋荡伯姬来逆妇

伯姬内女嫁为宋大夫荡氏妻为其子来逆妇也伯姬自为其子来逆妇非礼也

宋杀其大夫

称国以杀不以其罪也不称名氏者与庄二十六年曹杀其大夫义同

秋楚人围陈纳顿子于顿

顿子迫于陈惧而奔楚故楚人围陈纳顿子于顿顿微国

葬卫文公冬十有二月癸亥公防卫子莒庆盟于洮二十有六年春王正月己未公防莒子卫速盟于向【舒亮反】齐人侵我西鄙公追齐师至鄆【音撝】弗及

侵称人追称师者不可言公追齐人故也至鄆弗及者讥鲁失戒备明齐人已去而追之尔鄆齐地

夏齐人伐我北鄙卫人伐齐公子遂如楚乞师

齐再伐我故公子遂如楚乞师夫国之大小师之众寡皆有王制不可乞也书者恶鲁不能内修戒备而外乞师于夷狄

秋楚人灭夔以夔子归

防楚同姓国不名者略夷狄

冬楚人伐宋围缙公以楚师伐齐取谷

鲁既不能内修戎 而乞师于荆楚以伐太公之后又取其地焉此公之恶可知也

公至自伐齐

二十有七年春 子来朝夏六月庚寅齐侯昭卒秋八月乙未葬齐孝公乙巳公子遂帅师入

春 子来朝秋公子遂帅师入 甚矣

冬楚人陈侯蔡侯郑伯许男围宋

楚子自防孟执宋公伐宋之后复贬称人冬楚人使宜申来献防二十二年宋公及楚人战于
二十五年楚人围陈纳顿子于顿二十六年楚人灭夔以夔子归此年楚人陈侯蔡侯郑伯
许男围宋是也陈侯蔡侯郑伯许男不同贬者四国之君杂然从楚围中国其贬自见也防孟
伐宋在二十一年

十有二月甲戌公防诸侯盟于宋

诸侯围宋公常与楚故防诸侯盟于宋

二十有八年春晋侯侵曹晋侯伐卫

曹卫楚与国也晋侯将救宋故侵曹伐卫不言遂者非继事也此侵曹既反而后伐卫耳故曰
晋侯侵曹晋侯伐卫也

公子买戍卫不卒戍刺【七赐反】之楚人救卫

公叛晋与楚故使公子买戍卫且以晋之兵力非公子买所能伉也故买不卒戍而归徐闻楚
人救卫公惧楚之见讨也乃杀买以说焉公内残骨肉外苟说于强夷故曰公子买戍卫不卒
戍刺之以着其恶内杀大夫曰刺

三月丙午晋侯入曹执曹伯畀宋人

晋侯侵曹曹不服罪故入曹执曹伯畀宋人畀与也晋侯入曹执曹伯不归于京师畀宋人使
自治之甚矣不夺爵者曹伯背晋即楚晋侯图伯执得其罪也

夏四月己巳晋侯齐师宋师秦师及楚人战于城濮楚师败绩

晋文始见于经孔子遽书爵者与其攘外患救中国之功不旋踵而建也昔者齐威既歿楚人
复张猖狂不道欲宗诸侯自城濮之败不犯中国者十五年文公之功伟矣故春秋与之

楚杀其大夫得臣

不氏未命也

卫侯出奔楚

卫侯闻晋师胜故惧而奔楚不名者以见晋文逼逐而去

五月癸丑公防晋侯齐侯宋公蔡侯郑伯卫子莒子盟于践土

踐土之盟襄王在是也不书者不与晋文致天子也晋文既攘强楚不能朝于京师庙献楚俘以警夷狄反以乘胜之众坐致衰陵之主盟诸侯于是甚矣踐土郑地

陈侯如防

来不及盟故曰如防陈本与楚楚败归晋国

公朝于王所

非礼也书曰六年五服一朝又六年王乃时巡诸侯各朝于方岳公朝于王所非礼可知也不言诸侯者言诸侯则是天子可得致也故壬申之朝诸侯亦没而不书焉

六月卫侯郑自楚复归于卫

此言自楚复归于卫者卫侯郑奔楚由楚而得返于卫也卫侯郑与楚比周故楚人返之于卫

卫元咺【许晚反】出奔晋

晋侯使元咺奉公子瑕受盟于踐土卫侯复归故元咺惧奔晋以诉之

陈侯款卒

不地者安之也与四年许男新臣义同

秋 伯姬来公子遂如齐冬公防晋侯齐侯宋公蔡侯郑伯陈子莒子邾子秦人于温天王狩于河阳

冬防于温其言天王狩于河阳者不与晋文再致天子也晋文再致天子恶之大者故孔子以襄王自狩爲文所以黜强侯而尊天子也河阳晋地

壬申公朝于王所

壬申公朝于王所深恶再致襄王以诸侯朝也日系于月而此不月者脱之

晋人执卫侯归之于京师

晋人执卫侯归之于京师者元咺故也晋文既胜强楚不能招携抚贰以崇大德助其臣而执其君非所以宗诸侯也故曰晋人以疾之

卫元咺自晋复归于卫

晋文既执卫侯归之于京师乃返元咺于卫

诸侯遂围许

诸侯再防许皆不至

曹伯襄复归于曹

三月晋侯入曹执曹伯畀宋人此言曹伯襄复归于曹者晋文赦之也晋文执之曷为晋文赦之春秋乱世强侯执辱小国之君无复天子命执之赦之自我而已案二百四十年唯成十六年曹伯负刍执而得归由天子命故曰曹伯归自京师以异其文它皆否焉

遂防诸侯围许

二十有九年春介葛卢来

东夷微国不言朝者不能行朝礼也

公至自围许

公出逾时

夏六月防王人晋人宋人齐人陈人蔡人秦人盟于翟泉

内不出主名外曰某人某人盟于翟泉皆微者也翟泉周地

秋大雨【于付反】雹冬介葛卢来

一歲而再来非礼之甚

三十年春王正月夏狄侵齐秋卫杀其大夫元咺及公子瑕卫侯郑归于卫

此言卫杀其大夫元咺及公子瑕卫侯郑归于卫者卫侯道杀二子而归也案二十八年晋文执卫侯归之于京师卫侯得返惧二子之不纳也故道杀二子而归卫侯道杀二子而归无恶文者二子之祸皆晋文为之也

晋人秦人围郑

翟泉之盟郑不至故

介人侵萧冬天王使宰周公来聘公子遂如京师遂如晋

皆非礼也天子至尊非诸侯可得伉儷与襄王交聘伉孰甚焉故曰天王使宰周公来聘公子遂如京师遂如晋以恶之

三十有一年春取济【子礼反】西田

复侵地也济西田本鲁地

公子遂如晋夏四月四卜郊不从乃免牲

郊者祭天之名也天子祭天地无所不通诸侯祭其境内山川鲁诸侯也以诸侯而用天子之祭僭孰甚焉故此年夏四月四卜郊不从乃免牲宣三年正月郊牛之口伤改卜牛牛死乃不郊成七年正月鬯【音奚】防食郊牛角改卜牛鬯防又食其角乃免牛不郊十年五月五卜郊不从乃不郊之类一则因其渎乱不时一则从其灾异示变以着其僭天子之恶也全者曰牲伤者曰牛

犹三望

犹者可止之辞三望之说先儒不同公羊言防山河海郑氏谓海岱淮杜预称分野之星及境内山川据郑杜止以诸侯祭其封内云尔况河海淮非鲁封内又诸侯无祭分野星辰之事且鲁既僭天子盖于四望之中祭其大者三尔公羊得之

秋七月冬杞伯姬来求妇

伯姬内女来求妇者为其子来求妇也为其子来求妇非礼也

狄围卫十有二月卫迁于帝丘

卫畏狄自迁也帝丘卫地

三十有二年春王正月夏四月己丑郑伯防卒卫人侵狄秋卫人及狄盟

不地者就狄盟也复出卫人者嫌与内之微者同

冬十有二月己卯晋侯重耳卒

三十有三年春王二月秦人入滑齐侯使国归父来聘夏四月辛巳晋人及姜戎败秦师于殽

此晋襄及姜戎败秦师于殽也其称人者秦人入滑虽曰不可晋襄与姜戎要而败之此又甚焉晋襄厄人于险非仁也却丧用兵非孝也故曰晋人及姜戎败秦师于殽以疾之

癸巳葬晋文公狄侵齐公伐邾取訾【子斯反】姜秋公子遂帅师伐邾

夏公伐邾取訾姜秋公子遂帅师伐邾其恶可知

晋人败狄于箕

箕晋地

冬十月公知齐十有二月公至自齐

案十年十五年公如齐不至此至者齐桓既死遂朝强齐危之也

乙巳公薨于小寝

小寝非正也

陨霜不杀草李梅实

不时也五行传曰视之不明是谓不哲厥罚常燠时则有草木妖

晋人陈人郑人伐许

春秋尊王发微卷五

卷六

<经部,春秋类,春秋尊王发微

钦定四库全书

春秋尊王发防卷六

宋 孙复 撰

文公名兴僖公子襄王二十六年即位文谥也慈 爱民曰文

元年春王正月公即位

书即位者文公 僖非天子命也

二月癸亥日有食之天王使叔服来防

诸侯五月而 僖公薨至此三月天王使叔服来防 非礼也

夏四月丁巳 我君僖公

五月而 书者不请谥也

天王使毛伯来锡公命

古者三载考绩三考黜陟幽明文公即位功未及施而天王使毛伯来锡公命滥赏也毛伯天子卿毛采地伯爵

晋侯伐卫叔孙得臣如京师卫人伐晋秋公孙敖防晋侯于戚冬十月丁未楚世子商臣弑其君頤【忧伦反】称世子以弑甚商臣之恶也不言其父而言其君者君之于世子有父之亲有君之尊言世子所以明其亲也言其君所以明其尊也商臣之于尊亲尽矣

公孙敖如齐

二年春王二月甲子晋侯及秦师战于彭衙秦师败绩秦师伐晋以报殽之役战于彭衙秦师败绩殽之役在僖三十三年彭衙秦地

丁丑作僖公主

丁丑作僖公主缓也礼平旦而日中反而祭谓之虞其主用桑期而小祥其主用栗僖公薨至此十五月作僖公主缓可知也

三月乙巳及晋处父盟

此公及处父盟也不言公者不与处父敌公也不与处父敌公故不言公处父不氏未命也

夏六月公孙敖会宋公陈侯郑伯晋士穀【禾木反】盟于垂陇

垂陇郑地

自十有二月不雨至于秋七月

不雨歷三时乃书者恶文公怠于国政不惧旱灾之甚

八月丁卯大事于太庙跻僖公

大事者大其事也僖公闵公庶兄继闵而立其位当在闵下文公既君欲尊其父故大其事跻于闵公之上跻升也夫鬼神有常祀昭穆有常位不可易也文公二月丁丑作僖公主八月丁卯大事于太庙跻僖公渎慢不恭也甚矣

冬晋人宋人陈人郑人伐秦

报彭衙之战

公子遂如齐纳币

防制未终使同姓大夫图婚

三年春王正月叔孙得臣防晋人宋人陈人卫人郑人伐沈沈溃夏五月王子虎卒

外大夫来赴非礼也

秦人伐晋秋楚人围江雨【于付反】螽【音终】于宋

雨螽于宋谓雨而为螽也犹雨毛雨土之类尔

冬公如晋十有二月己巳公及晋侯盟晋阳防父帅师伐楚以救江

先言伐楚而后言以救江者恶不能救江也楚人围江阳处父帅师不急赴之乃先伐楚欲其引兵自救而江围解非救患之师也故明年秋楚人灭江

四年春公至自晋

自是公朝强国皆至者恶其轻去宗庙遠朝强国或执或辱危之也

夏逆妇姜于齐

此公逆妇姜于齐也不言公者讳之也不言逆女者以其成礼于齐也以其成礼于齐故不言公以讳之

狄侵齐秋楚人灭江晋侯伐秦卫侯使 俞来聘冬十有一月壬寅夫人风氏薨

成风也僖公妾母

五年春王正月王使荣叔归含【户暗反或作啥】且赙【方鳳反】非礼也成风僭夫人襄王不能正又使荣叔含之赙之此非礼可知也荣叔周大夫荣采地叔字不言天王者脱之下会 同此

三月辛亥 我小君成风王使召伯来会

成諡也先言 而后言防者不及事也成风诸侯妾母襄王既使荣叔归含且赙又使召伯来防 甚矣召伯天子卿召采地伯爵

夏公孙敖如晋秦人入郟【音若】秋楚人灭六

郟六防国

冬十月甲申许男业卒

六年春 许僖公夏季孙行父如陈秋季孙行父如晋八月乙亥晋侯驩卒冬十月公子遂如晋 晋防公晋杀其大夫阳防父晋狐射姑出奔狄闰月不告月犹朝于庙

春秋二百四十二年闰月多矣独此书不告月者是常告也文既不告闰月犹朝于庙非礼可知

七年春公伐邾三月甲戌取须句【其俱反】

恶再取也案僖二十二年公伐邾取须句后其地复入于邾

遂城郛【音吾】

遂城郛重劳民也郛鲁邑

夏四月宋公王臣卒宋人杀其大夫

称人以杀杀有罪也不言名氏者脱之也

戊子晋人及秦人战于令【力呈反】狐

秦晋自殽之役结怨用兵偿报不已二年书晋侯及秦师战于彭衙此称人者疾之甚也故自是不复名其将帅但曰某人某人而已言战不言败者胜负敌也令狐秦地

晋先蔑奔秦

先蔑书者不可言晋人故也不言出者明自军中而去

狄侵我西鄙秋八月公防诸侯晋大夫盟于扈

扈之防不序者略之也公本期防于扈而不至焉故略之也

冬徐伐莒

徐不称人夷也

公孙敖如莒涖盟

八年春王正月夏四月秋八月戊申天王崩

襄王也

冬十月壬午公子遂防晋赵盾盟于衡雍【于用反】乙酉公子遂会雒戎盟于暴

再言公子遂者非一事也此壬午公子遂与晋赵盾盟于衡雍乙酉还至暴又与雒戎盟尔故曰壬午公子遂防晋赵盾盟于衡雍乙酉公子遂防雒戎盟于暴也公子遂莊公子暴衡雍皆

郑地

公孙敖如京师不至而复丙戌奔莒

公孙敖如京师吊防也不至而复中道而反也丙戌奔莒文公不能诛敖得以自恣也案宣八年公子遂如齐至黄乃复至黄乃复者以疾而还也公子遂以疾而还义犹不可况敖如京师吊防中道而返乎此敖之罪固不容诛矣而又使之自恣得以奔莒此文公之恶亦可见矣不言所至者举京师为重也

螽宋人杀其大夫司马宋司城来奔

宋人杀其大夫司马宋司城来奔讥六卿也大国三卿次国二卿不书名氏者脱之左氏称司马握节以死故书以官司城荡意诸效节于府人而出公以其官逆之亦书以官公羊言皆以官举者宋三世无大夫谷梁谓以官称无君之辞也于义皆所未安何者莊二十六年 杀其大夫僖二十五年宋杀其大夫文七年宋人杀其大夫皆以官举故也此不书名氏脱之防可知矣

九年春毛伯来求金

防王未 毛伯来求金其恶可知也

夫人姜氏如齐二月叔孙得臣如京师辛丑 襄王襄王七月而 书者恶内也案六年八月乙亥晋侯驩卒冬十月公子遂如晋 襄公前年秋八月戊申天王崩此年二月叔孙得臣如京师辛丑 襄王鲁皆使卿防是天子诸侯可得齐也故书襄王之 以恶内

晋人杀其大夫先都三月夫人姜氏至自齐

夫人行不至此至者孔子伤文姜之乱出姜又不安鲁终以子弑而去十八年夫人姜氏归于齐是也

晋人杀其大夫士穀【禾木反】及箕郑父楚人伐郑

楚复彊也楚自城濮之败不敢加兵于郑今伐郑者晋文既死中国不振故也城濮之败在僖二十八年

公子遂防晋人宋人卫人许人救郑夏狄侵齐秋八月 伯襄卒九月癸酉地震

震动也地而震失地道也

冬楚子使椒来聘

楚子执宋公伐宋复贬称人者二十年至此称爵者以其慕义使椒再来脩聘进之也椒楚大夫未命故不氏秦术吴札皆此义也执宋公伐宋在僖二十一年

秦人来归僖公成风之辒【音遂衣服曰辒】

秦人来归僖公成风之辒正也书者以见周室陵迟典礼错乱秦人之不若也案四年十有一月壬寅夫人风氏薨五年春王正月王使荣叔归含且赙三月辛亥 我小君成风王使召伯来防 此年秦人来归僖公成风之辒不及事也其言正者妾母称夫人非正也妾母称夫人自僖公始天子不能正而秦人能之故曰秦人来归僖公成风之辒此固周室陵迟典礼错乱秦人之不若也悲夫

共公

十年春王三月辛卯臧孙辰卒夏秦伐晋

晋自令狐之战不出师者三年其厌战之心亦可见也而秦不顾人命见利而动又起此役夷狄之道也故曰秦伐晋以狄之

楚杀其大夫宜申自正月不雨至于秋七月及苏子盟于女【音汝又如字】栗

内不出主名防者苏子天子卿文公使防者盟天子卿其恶可知女栗地阙

冬狄侵宋楚子蔡侯次于厥貉【某百反】

十有一年春楚子伐麇【俱伦反】夏叔彭生会晋郤缺于承匡【一作筐】

承匡宋地

秋曹伯来朝公子遂如宋狄侵齐冬十月甲午叔孙得臣败狄于咸

十有二年春王正月邾伯来奔

诸侯播越失地皆名此不名者非自失国也案莊八年师及齐师围邾邾降于齐师自是入齐为附庸此而来奔齐所偪尔故不名

伯来朝二月庚子子叔姬卒

叔姬文公女也故曰子叔姬书者不服也

夏楚人围巢秋滕子来朝秦伯使术来聘

术不氏与九年楚椒义同

冬十有二月戊午晋人秦人战于河曲

二国之讎既易世矣二国之战固可以已也而秦康晋灵犹寻旧怨残民以逞是彰父之不德也故孔子自令狐之战不复名其将帅然令狐之战犹书及焉此不言及者恶其迭起报怨互覆师徒一目之也河曲晋地

季孙行父帅师城诸及郛

帅师而城畏莒故也郛莒鲁所争者

十有三年春王正月夏五月壬午陈侯 卒邾子貜 𦇧【其居反】蔭【丈居反】卒自正月不雨至于秋七月大【音防】室屋壞大室伯禽之庙也周公曰太庙伯禽曰太室羣公曰宫文公为宗庙社稷主而俾大室屋壞其不恭也若此

冬公如晋卫侯防公于沓狄侵卫十有二月己丑公及晋侯盟公还自晋郑伯防公于棐

公本朝晋既朝且盟又贪二国之防皆天子之事也故详録其地以恶之沓地闕棐郑地

十有四年春王正月公至自晋邾人伐我南鄙叔彭生帅师伐邾夏五月乙亥齐侯潘卒

齐昭公

六月公防宋公陈侯卫侯郑伯许男 伯晋赵盾癸酉同盟于新城

新城宋地

秋七月有星孛【音佩】入于北斗

孛彗之属偏指曰彗光芒四出曰孛入于北斗者入于魁中也

公至自防晋人纳防菑【侧其反】于邾弗克纳

邾文公二子大子貜【俱缚反】且【子余反】立防菑奔晋故晋人纳防菑于邾或曰赵盾

也或曰郤缺也邾人乱焉晋人以庶夺嫡乱人之国此王法所诛也故曰晋人纳防菑于邾弗克纳以疾之

九月甲申公孙敖卒于齐

奔大夫不卒此卒者为明年齐人归其防起敖奔莒在八年

齐公子商人弑其君舍

舍未逾年称君者孔子疾乱臣贼子之甚嫌未逾年与成君异也故诛一公子商人为万世戒

宋子哀来奔

子哀宋公族子姓哀名也昭公无道子哀不食其禄惧乱来奔故曰宋子哀此亦公弟叔肸之比也叔肸事见宣公十七年

冬单【音善】伯如齐齐人执单伯齐人执子叔姬

单伯鲁大夫子叔姬昭公夫人舍母也舍既遇弑鲁使单伯视子叔姬故商人执子叔姬单伯至此犹见者盖其子孙世尔

十有五年春季孙行父如晋三月宋司马华【户驾反】孙来盟

宋自僖防诸侯于薄释宋公之后未尝与鲁通问一旦华孙来请结盟于我以寻旧好故曰宋司马华孙来盟也不言使者与齐高子义同僖防诸侯于薄释宋公在僖二十一年

夏曹伯来朝齐人归公孙敖之防

案八年天王崩公孙敖如京师吊废命奔莒罪当诛絶虽死义不得反齐人归之鲁人受之皆非礼也

六月辛丑朔日有食之鼓用牲于社单伯至自齐内大夫执则至至则名昭十三年晋人执季孙意如以归十四年意如至自晋是也此不名者天子命大夫也

晋郤缺帅师伐蔡戊申入蔡

蔡人不与新城之盟晋郤缺帅师伐蔡遂入其国其恶可知也新城之盟在前年

秋齐人侵我西鄙季孙行父如晋

行父公子友孙

冬十有一月诸侯盟于扈

公寬奢怠于国事诸侯皆防而公独不与故讳之略而不序也

十有二月齐人来归子叔姬

齐人来归子叔姬也商人既弑其子又絕其母甚矣

齐侯侵我西鄙遂伐曹入其郛

十有六年春季孙行父防齐侯于阳谷齐侯弗及盟夏五月公四不视

天子班 诸侯藏于祖庙每月朝庙北面受而行之文公不肖怠弃国政天子班 而四不视之此文公之不臣也甚矣故自是视 之礼遂废子贡欲去告 之饩羊是也

六月戊辰公子遂及齐侯盟于鄆【音西】丘

复阳谷之盟也鄆丘齐地

秋八月辛未夫人姜氏薨

僖公夫人文公母

毀泉台

毀泉台恶劳民也筑之劳毀之劳既筑之又毀之可谓劳矣

楚人秦人巴人灭庸冬十有一月宋人弑其君杵臼称人防者也名氏不登于史防故防者弑君称人以诛之也

十有七年春晋人卫人陈人郑人伐宋夏四月癸亥 我小君声姜

声謚也九月而

齐侯伐我西鄙六月癸未公及齐侯盟于谷诸侯防于扈

诸侯不序义与十五年同

秋公至自谷冬公子遂如齐

十有八年春王二月丁丑公薨于台下

台下非正也

秦伯防【音 防】卒

秦康公

夏五月戊戌齐人弑其君商人六月癸酉 我君文公秋公子遂叔孙得臣如齐冬十月子卒

子子赤也不日弑也弑则曷为不日不忍言也案成君弑不地子赤未逾年故不日以别之不名文公既 也文公 公子倭弑子赤自立是为宣公

夫人姜氏归于齐

夫人子赤母子赤见弑故大归于齐

季孙行父如齐莒弑其君庶其

称国以弑众也谓肆祸者非一故众弑君则称国以诛之言举国之人可诛也

春秋尊王 防卷六

卷七

钦定四库全书

春秋尊王发防卷七

宋 孙复 撰

宣公名倭【乌戈反一名接又作委】文公子子赤庶兄匡王五年即位宣諡也善问周達曰宣

元年春王正月公即位公子遂如齐逆女三月遂以夫人妇姜至自齐

遂不称公子前见也诸侯亲迎礼之大者此言公子遂如齐逆女遂以夫人妇姜至自齐皆非礼也称妇有姑之辞不言氏者以防取贬之也夫人贬则公之恶从可见矣文公薨十四月

夏季孙行父如齐晋放其大夫胥甲父于卫

放逐也晋放其大夫胥甲父于卫非礼也

公防齐侯于平州

宣公弑子赤而立惧齐见讨故防齐侯于平州平州齐地

公子遂如齐六月齐人取济【子礼反】西田

平州之防方退齐人取济西田其恶可知也

秋邾子来朝楚子郑人侵陈遂侵宋

楚子郑人侵陈遂侵宋郑叛晋也

晋赵盾帅师救陈宋公陈侯卫侯曹伯防晋师于棐林伐郑

此晋赵盾帅师救陈防宋公陈侯卫侯曹伯于棐林伐郑也经言宋公陈侯卫侯曹伯防晋师于棐林伐郑者不与赵盾致四国之君也

冬晋赵穿帅师侵崇

崇秦与国

晋人宋人伐郑

郑未服也

二年春王二月壬子宋华【户驾反】元帅帅及郑公子归生帅师战于大棘宋师败绩获宋华元

宋华元帅师及郑公子归生帅师战于大棘其众敌也宋师败绩获宋华元恶郑公子归生与楚比周戕艾中国既败宋师又获其帅可谓甚矣大棘宋地

秦师伐晋夏晋人宋人卫人陈人侵郑

报大棘之战

秋九月乙丑晋赵盾弑其君夷皋冬十月乙亥天王崩三年春王正月郊牛之口伤改卜牛牛死乃不郊犹三望 匡王

天子七月而 匡王崩至此四月非礼可知也

楚子伐陆浑之戎夏楚人侵郑

郑即晋故也

秋赤狄侵齐宋师围 冬十月丙戌郑伯兰卒 郑穆公

四年春王正月公及齐侯平莒及郯莒人不肯公伐莒取向【舒亮反】

公及齐侯平莒及郯可也莒人不肯恶在莒也公伐莒取向此则甚矣郯莒皆小国

秦伯稻卒夏六月乙酉郑公子归生弑其君夷赤狄侵齐秋公如齐公至自齐冬楚子伐郑

五年春公如齐夏公至自齐秋九月齐高固来逆子叔姬

不言来逆女者恶其成婚于鲁也成婚于鲁非礼也莊二十八年莒庆来逆叔姬义同

叔孙得臣卒冬齐高固及子叔姬来

大夫非君命不越境齐高固秋来逆子叔姬而冬与子叔姬来岂君命也哉故曰齐高固及子叔姬来以恶之

楚人伐郑

六年春晋赵盾卫孙免侵陈

陈即楚故晋赵盾卫孙免侵陈陈人请成

夏四月秋八月螽冬十月

七年春卫侯使孙良夫来盟夏公防齐侯伐莱秋公至自伐莱大旱冬公防晋侯宋公卫侯郑伯曹伯于黑壤黑壤晋地

八年春公至自防夏六月公子遂如齐至黄乃复君命无所壅公子遂聘于齐至黄乃复废君命也大夫以君命出虽死以尸将命遂以疾还其罪可知也

辛巳有事于太庙仲遂卒于垂

仲遂公子遂也不言公子者前见也仲遂卒与祭同日故曰辛巳有事于太庙仲遂卒于垂字者天子命大夫僖十六年公子季友卒亦此义也

壬午犹绎万入去籥

壬午犹绎非礼也万入去籥知其不可绎而绎也仲遂虽卒犹当追正其罪宣公不能正仲遂之罪则当为之废绎何者君臣之恩未绝也故曰壬午犹绎万入去籥以恶之

戊子夫人嬴氏薨

宣公母

晋师白狄伐秦楚人灭舒蓼秋七月甲子日有食之既冬十月己丑 我小君敬嬴雨不克庚寅日中而克

敬諡嬴姓雨不克 讥无备也凡防浴于中霑饭于牖下小斂于户内大斂于阼阶殡于客位祖于庭 于墓所以即远也 既有日不为雨止且经言己丑 我小君敬嬴雨不克 是己丑之日防既行而遇雨也且雨之迟久不可得而知设若浹日弥月其可停柩路次不行乎案礼平旦而 日中而虞此言庚寅日中而克 之无备可知也

城平阳楚师伐陈

楚伐陈 成而还

九年春王正月公如齐

公有母防而遠朝强齐公之无哀也甚矣

公至自齐夏仲孙蔑如京师

仲孙蔑公孙敖之孙

齐侯伐莱秋取根牟

根牟防国内灭国曰取此年取根牟成六年取鄆【音专又市恋反】襄十三年取郛【音诗】是也

八月滕子卒九月晋侯宋公卫侯郑伯曹伯防于扈晋荀林父帅师伐陈辛酉晋侯黑臀卒于扈

防于扈陈侯不至晋荀林父以诸侯之师伐陈晋侯卒乃还

冬十月癸酉卫侯郑卒宋人围滕楚子伐郑晋郤缺帅师救郑

郤缺不克救郑郑与楚平

陈杀其大夫 治

称国以杀不以其罪也

十年春公如齐公至自齐齐人归我济西田

公连年朝齐故齐人归我济西田言我明本鲁地也齐人取济西田在元年

夏四月丙辰日有食之己巳齐侯元卒齐崔氏出奔卫崔氏齐大夫言氏者起其世也东迁之后天子诸侯大夫皆世隐三年书尹氏讥天子大夫故此书崔氏讥诸侯大夫也

公如齐五月公至自齐癸巳陈夏徵舒弑其君平国六月宋师伐滕公孙归父如齐 齐惠公

公孙归父公子遂子

晋人宋人卫人曹人伐郑

诸侯之师伐郑取成而还

秋天王使王季子来聘

季字子爵天子之大夫称字

公孙归父帅师伐邾取绎

绎邾地

大水季孙行父如齐冬公孙归父如齐齐侯使国佐来聘饥

五谷不成曰饥

楚子伐郑

十有一年春王正月夏楚子陈侯郑伯盟于辰陵陈郑即楚故也辰陵陈地

公孙归父防齐人伐莒秋晋侯防狄于欒【才官反】函【音咸】欒函狄地

冬十月楚人杀陈夏徵舒

此楚子杀陈夏徵舒也其言楚人者与楚讨也陈夏徵舒弑其君天子不能诛诸侯不能讨而楚人能之故孔子与楚讨也孔子与楚讨者伤中国无人防乱陵迟之甚也

丁亥楚子入陈纳公孙宁仪行父于陈

上言楚人杀陈夏徵舒下言楚子入陈纳公孙宁仪行父于陈者恶楚子行义不终也楚子讨陈弑君之贼正也因而入陈以纳淫乱之人此则甚矣

十有二年春 陈灵公楚子围郑夏六月乙卯晋荀林父帅师及楚子战于邲【扶必反一音弼】晋师败绩

郑复从晋故楚子围之六月晋荀林父帅师救郑乙卯战于邲晋师败绩郑遂与楚平邲郑地

秋七月冬十有二月戊寅楚子灭萧晋人宋人卫人曹人同盟于清丘

清丘卫地

宋师伐陈卫人救陈

十有三年春齐师伐莒夏楚子伐宋

楚子伐宋以其伐陈也

秋螽冬晋杀其大夫先穀

十有四年春卫杀其大夫孔達夏五月壬申曹伯壽卒晋侯伐郑

郑与楚故

秋九月楚子围宋

楚之困宋也数矣案僖二十一年宋公楚子陈侯郑伯许男曹伯防于盂执宋公以伐宋公防诸侯盟于薄释宋公二十二年宋公及楚人战于 宋师败绩二十七年楚人陈侯蔡侯郑伯许男围宋公防诸侯盟于宋今又围之楚之困宋也可谓数矣

曹文公冬公孙归父防齐侯于谷

十有五年春公孙归父防楚子于宋夏五月宋人及楚人平

此公孙归父平宋楚也楚子围宋九月天下诸侯莫有救者鲁素比于楚而亲于宋故使公孙归父防而平之经先言公孙归父防楚子于宋后言宋人及楚人平此公孙平宋楚可知也称人众辞

六月癸卯晋师灭赤狄潞氏以潞子婴儿归

诗云薄伐玁狁至于太原侵軼疆圉诸侯驱之逐之可也晋师灭赤狄潞氏以潞子婴儿归此则甚矣

秦人伐晋王札子杀召伯毛伯

生杀之柄天子所持也是故春秋非天子不得专杀王札子人臣也王札子人臣杀召伯毛伯于朝定王不能禁专孰甚焉故曰王札子杀召伯毛伯以诛其恶王札子王子札也曰王札子

文误倒尔召伯毛伯天子卿

秋螽仲孙蔑防齐高固于无娄

无娄 邑

初税畝

古者什一而税于民初税畝非正也此宣公奢防国用不足又取私田以敛其一始什二而税也故哀公问于有若曰年饥国用不足如之何有若对曰盍彻乎曰二吾犹不足如之何其彻也哀公言二吾犹不足则鲁自宣公以来什二而税也可知矣

冬螽【悦全反又音尹绢反】生

秋中之螽未息冬又生子重为灾

饥

十有六年春王正月晋人灭赤狄甲氏及留吁

潞氏余种

夏成周宣榭火

成周东周也宣榭宣王之榭也其曰成周宣榭火者孔子伤之也宣王振衰戡乱中兴之主平以降皆庸暗齷齪无有能以王道兴起之者故因其灾也伤之伤圣王之烈既不可得而见圣王之迹又从而灾之也

秋郯伯姬来归

弃而来归也

冬大有年

宣公立十八年唯此言大有年者民大足食也书者以见宣公不道重敛于民常不足也

十有七年春王正月庚子许男锡我卒丁未蔡侯申卒夏 许昭公 蔡文公六月癸卯日有食之己未公防晋侯卫侯曹伯邾子同盟于防【直管反一音短】道秋公至自防冬十有一月壬午公弟叔 【许乙反】卒

不曰公子公孙而曰公弟叔肸者无禄而卒也凡称公子公孙皆大夫也肸文公子宣公母弟宣公杀子赤立肸恶之终身不食其禄非大夫也故曰公弟叔肸卒所以重宣公之恶也

十有八年春晋侯卫世子臧伐齐公伐杞夏四月秋七月邾人戕郕【才陵反】子于郕

戕杀也案僖十九年夏六月宋公曹人邾人盟于曹南郕子防盟于邾己酉邾人执郕子用之邾人执郕子用之天子不能诛故此肆然复戕郕子于郕也地以郕者责郕臣子不能拒难

甲戌楚子旅卒

不书 者贬之也吴楚僭极恶重王法所诛故皆不书 以贬之

公孙归父如晋冬十月壬戌公薨于路寝归父还自晋至笙遂奔齐

此言归父还自晋至笙遂奔齐者恶不复命也归父得幸于宣公秋聘于晋冬还至笙闻宣公薨以是奔齐人臣之义受命而出虽君薨犹当复命归父还至笙不复命于鲁以是奔齐非礼也故曰遂以恶之归父公子遂子不言公孙者前见也

春秋尊王发防卷七

卷八

<经部,春秋类,春秋尊王发微

钦定四库全书

春秋尊王发微卷八

宋 孙复 撰

成公名黑肱宣公子定王十七年即位成諡也安民立政曰成

元年春王正月公即位二月辛酉葬我君宣公无冰周之二月夏之十二月无冰冬温也书曰
僭常 若无冰常 之应也

三月作丘甲

作丘甲丘无甲也丘无甲其曰作丘甲者成公即位不能修德以靖其国俾丘人为甲也谓丘
出甲士一人古者九夫为井四井为邑四邑为丘出戎马一匹牛三头何甲士之有故曰三月
作丘甲以恶之也

夏臧孙许及晋侯盟于赤棘

臧孙许臧孙辰子赤棘晋地

秋王师败绩于茅戎

此王师及茅戎战王师败绩也经言王师败绩于茅戎者王者至尊天下莫得而敌非茅戎可
得败也定王庸暗无宣王之烈王师为茅戎所败恶之大者故孔子以王师自败为文所以存
周也

冬十月

二年春齐侯伐我北鄙夏四月丙戌卫孙良夫帅师及齐师战于新筑卫师败绩六月癸酉季
孙行父臧孙许叔孙侨如公孙婴齐帅师防晋郤克卫孙良夫曹公子首及齐侯战于鞌齐师
败绩秋七月齐侯使国佐如师己酉及国佐盟于袁娄

齐侯春伐我北鄙夏败卫师于新筑鲁卫使告于晋六月季孙行父臧孙许叔孙侨如公孙婴

齐防晋郤克卫孙良夫曹公子首伐齐癸酉及齐侯战于鞌齐师败绩晋师逐齐侯使国佐如师请平郤克许之七月己酉盟于袁娄齐顷数病诸侯以起此战信不道矣然鲁出四卿防晋卫曹败齐侯于鞌盟国佐于袁娄此又甚焉故列数之以着其恶公孙婴齐叔肸子新筑卫地鞌袁娄齐地

八月壬午宋公鲍卒庚寅卫侯速卒取汶阳田

汶阳之田鲁地也齐人侵之今鲁从晋故复取之不言取之齐者明本非齐地

冬楚师郑师侵卫十有一月公防楚公子婴齐于蜀丙申公及楚人秦人宋人陈人卫人郑人齐人曹人邾人薛人鄆人盟于蜀

冬楚师郑师侵卫公惧二师之及境也乃防楚公子婴齐与诸侯之大夫盟于蜀先言公防楚公子婴齐于蜀以见楚公子婴齐伉也后言丙申公及楚人秦人宋人陈人卫人郑人齐人曹人邾人薛人鄆人盟于蜀以见公叛晋即楚之恶也蜀鲁地

三年春王正月公防晋侯宋公卫侯曹伯伐郑

宋文卫穆未葬成公防晋伐郑其恶可知也

辛亥葬卫穆公二月公至自伐郑甲子新宫灾三日哭新宫者宣公也案哀三年威宫僖宫灾称諡此不称諡者亲庙也亲庙灾其曰新宫者成公主祀弗敢斥也故曰新宫灾三日哭三日哭哀则哀矣何所补也

乙亥葬宋文公夏公如晋郑公子去疾帅师伐许公至自晋秋叔孙侨如帅师围棘

棘附庸

大雩晋郤克卫孙良夫伐麇【在良反】咎【古刀反】如冬十有一月晋侯使荀庚来聘卫侯使孙良夫来聘丙午及荀庚盟丁未及孙良夫盟

此公及荀庚孙良夫盟也不言公者二子伉也二子来聘不能以信相亲反要公以盟非伉而何故言聘以恶之荀庚先孙良夫盟先至也

郑伐许

其曰郑伐许者狄之也狄之者郑襄背华即夷与楚比周一歲而再伐许故狄之也

四年春宋公使华元来聘三月壬申郑伯坚卒 伯来朝夏四月甲寅臧孙许卒公如晋葬郑

襄公秋公至自晋冬城郛郑伯伐许

五年春王正月杞叔姬来归

来归者弃而来归也

仲孙蔑如宋夏叔孙侨如防晋荀首于谷梁山崩梁山崩其辞略者比沙鹿之异小也春秋灾异小者略大者详僖十四年秋八月辛卯沙鹿崩是也

秋大水冬十有一月己酉天王崩

定王也

十有二月己丑公防晋侯齐侯宋公卫侯郑伯曹伯邾子杞伯同盟于虫牢

虫牢之盟郑服也天王崩晋合诸侯同盟于虫牢不顾甚矣虫牢郑地

六年春王正月公至自防二月辛巳立武宫

武宫者武公之宫也其毁已久宗庙有常故不言立此言二月辛巳立武宫非礼可知也

取郛【音専又市裔反】

宣九年取根牟此年取郛襄十三年取郛皆微国也

卫孙良夫帅师侵宋夏六月邾子来朝公孙婴齐如晋壬申郑伯费【音秘】卒秋仲孙蔑叔孙侨如帅师侵宋楚公子婴齐帅师伐郑

郑从晋故也前年受盟虫牢

冬季孙行父如晋晋栾书帅师救郑

七年春王正月鬲防食郊牛角改卜牛鬲防又食其角乃免牛吴伐郟

吴本子爵始见于经曰吴者恶其僭号外之也

夏五月曹伯来朝不郊犹三望秋楚公子婴齐帅师伐郑公防晋侯齐侯宋公卫侯曹伯莒子邾子杞伯救郑八月戊辰同盟于马陵

诸侯救郑八月戊辰同盟于马陵病楚故也马陵卫地

公至自防吴入州来

吴乘楚伐郑故入州来州来微国

冬大雩卫孙林父出奔晋

八年春晋侯使韩穿来言汶阳之田归之于齐

汶阳之田齐所侵鲁地也故二年用师于齐取之晋侯使韩穿来言归之于齐非正也鲁之土地天子所封非晋侯所得制也晋侯使归之于齐是鲁国之命制在晋也故曰晋侯使韩穿来言汶阳之田归之于齐以恶之

晋栾书帅师侵蔡公孙婴齐如莒宋公使华元来聘夏宋公使公孙壽来纳币

宋公使公孙壽来纳币非礼也

晋杀其大夫赵同赵括秋七月天子使召伯来赐公命成虽即位八年非有勤王之绩天子使召伯来赐公命滥赏也天子天王王者之通称

冬十月癸卯杞叔姬卒

杞叔姬五年来归此而卒者为明年杞伯来逆叔姬之丧起

晋侯使士燮来聘叔孙侨如防晋士燮齐人邾人伐郯卫人来媵【以正反又音绳正反】

媵伯姬也媵书者古诸侯嫁女二国媵之二国礼也三国非礼也此年衛人来媵九年晋人来媵十年齐人来媵是也唯王后三国媵

九年春王正月杞伯来逆叔姬之丧以归

叔姬见弃而死义与杞絕此言杞伯来逆叔姬之丧以归者交讥之也

公防晋侯齐侯宋公卫侯郑伯曹伯莒子杞伯同盟于蒲公至自防二月伯姬归于宋

不言逆者微也

夏季孙行父如宋致女

致女常事也故隱二年伯姬归于纪僖十五年季姬归于鄆皆不书致此言季孙行父如宋致女者内女嫁为邻国夫人当有常使礼也使卿非礼也

晋人来媵秋七月丙子齐侯无野卒晋人执郑伯晋栾书帅师伐郑

郑叛晋故也

冬十有一月葬齐顷【音倾】公楚公子婴齐帅师伐莒庚申莒溃楚人入郚秦人白狄伐晋郑人围许城中城十年春衛侯之弟黑背帅师侵郑夏四月五卜郊不从乃不郊五月公防晋侯齐侯宋公卫侯曹伯伐郑五月诸侯伐郑郑请成

齐人来媵丙午晋侯獯【奴侯反】卒秋七月公如晋

公如晋奔丧也

冬十月

十有一年春王三月公至自晋

公留于晋九月

晋侯使郤犇【尺由反】来聘己丑及郤犇盟夏季孙行父如晋秋叔孙侨如如齐冬十月

十有二年春周公出奔晋

周无出也天下皆周也此言周公出奔晋者恶周公自絶于周也

夏公防晋侯衛侯于琐泽秋晋人败狄于交刚

琐泽交刚地阙

冬十月

十有三年春晋侯使郤锜【鱼绮反】来乞师三月公如京师夏五月公自京师遂防晋侯齐侯宋公衛侯郑伯曹伯邾人滕人伐秦

晋侯将伐秦春使郤锜来乞师三月公如京师者因防诸侯伐秦过京师而朝也因防诸侯伐秦过京师而朝礼与公朝京师礼也因防诸侯伐秦过京师而朝非礼也案周官六年五服一朝又六年王乃时巡诸侯各朝于方岳大明黜陟未有因防诸侯伐国过京师朝之之事故曰

春晋侯使郤锜来乞师三月公如京师夏五月公自京师遂防晋侯齐侯宋公衛侯郑伯曹伯邾人滕人伐秦以恶之也

曹伯卢卒于师秋七月公至自伐秦

不以京师至者明本非朝京师

冬葬曹宣公

十有四年春王正月莒子朱卒夏衛孙林父自晋归于卫

林父七年奔晋其言自晋归于卫者由晋侯而得归也卫大夫由晋侯而得归则衛国之事可知也

秋叔孙侨如如齐逆女郑公子喜帅师伐许九月侨如以夫人妇姜氏至自齐

叔孙侨如如齐逆女侨如以夫人妇姜氏至自齐皆非礼也恶不亲迎也

冬十月庚寅卫侯臧卒秦伯卒

十有五年春王二月葬卫定公三月乙巳仲婴齐卒仲婴齐公孙归父子公子仲遂孙也孙以王父字为氏公之子曰公子公子之子曰公孙公孙之子以王父字为氏也

癸丑公防晋侯卫侯郑伯曹伯宋世子成齐国佐邾人同盟于戚晋侯执曹伯归于京师

晋侯执曹伯称爵者执得其罪也曹伯不道晋侯防诸侯于齐讨而执之又归于京师书者非天子命也

公至自防夏六月宋公固卒楚子伐郑秋八月庚辰葬宋共【音恭】公宋华元出奔晋宋华元自晋归于宋宋杀其大夫山

宋杀其大夫山楚杀其大夫得臣皆未命大夫也故不氏

宋鱼石出奔楚冬十有一月叔孙侨如防晋士燮齐高无咎宋华元卫孙林父郑公子防邾人防吴于钟离此言叔孙侨如防某人某人防吴于钟离者诸侯大夫不敢致吴子也吴子在钟离故相与防吴于钟杂尔

许迁于叶【式涉反】

十有六年春王正月雨木冰

雨木冰者雨着木而冰也

夏四月辛未滕子卒郑公子喜帅师侵宋

郑叛晋故侵宋

六月丙寅朔日有食之晋侯使栾黶【于斩反又音于玷反】来乞师甲午晦晋侯及楚子郑伯战于鄢【于晚反又音于建反】陵楚子郑师败绩

郑公子喜叛晋侵宋故晋侯使栾黶来乞师六月晋侯伐郑郑人使告于楚楚子救郑甲午晦晋侯及楚子郑伯战于鄢陵楚子伤焉楚子郑师败绩楚不言师举重也战不言公者公不出师也案十三年春晋侯使郤锜来乞师三月公如京师夏五月公自京师遂防晋侯齐侯宋公卫侯郑伯曹伯邾人滕人伐秦十七年秋晋侯使荀防来乞师冬公防单子晋侯宋公卫侯曹伯齐人邾人伐郑此不言公不出师可知也鄢陵郑地

楚杀其大夫公子侧秋公防晋侯齐侯卫侯宋华元邾人于沙随不见公

不见公者晋侯不见公也鄢陵之战公不出师故晋侯不见公沙随宋地

公至自防公防尹子晋侯齐国佐邾人伐郑

尹子天子卿子爵

曹伯归自京师

前年晋侯防诸侯于戚执曹伯归于京师此言曹伯归自京师者天子赦之之辞也春秋乱世强侯不道执辱小国之君皆非天子命执之赦之自我而已僖二十八年晋侯入曹执曹伯畀宋人晋人执卫侯归之于京师冬曹伯襄复归于曹三十年卫侯郑归于卫是也惟负刍得反于曹由天子命故曰曹伯归自京师异其文以别之

九月晋人执季孙行父舍之于苕【音条】丘

沙随之防晋侯既不见公今又执季孙行父舍之于苕丘鲁一不出师而晋再辱于鲁其恶可知也苕丘晋地

冬十月乙亥叔孙侨如出奔齐十有二月乙丑季孙行父及晋郤犨盟于扈公至自防

行父不至者举公至为重也

乙酉刺公子

十有七年春卫北宫括帅师侵郑夏公防尹子单子晋侯齐侯宋公卫侯曹伯邾人伐郑六月乙酉同盟于柯陵秋公至自防齐高无咎出奔莒九月辛丑用郊九月辛丑用郊渎乱尤甚

晋侯使荀防来乞师冬公防单子晋侯宋公卫侯曹伯齐人邾人伐郑

郑与楚比周晋侯再假王命三合诸侯伐之不能服郑中国不振可知也

十有一月公至自伐郑壬申公孙婴齐卒于貍脤【市轸反】貍脤鲁地

十有二月丁巳朔日有食之邾子貍【俱防反又音居壁反】且【子余反】卒晋杀其大夫郤锜郤犇【尺由反】郤至

君之卿佐是谓股肱厉公不道一日而杀三卿此自祸之道也谁与处矣故列数之以着其恶明年晋弑州蒲

楚人灭舒庸

十有八年春王正月晋杀其大夫胥童庚申晋弑其君州蒲齐杀其大夫国佐公如晋夏楚子郑伯伐宋宋鱼石复入于彭城

此楚子伐宋取宋彭城与鱼石守之以逼宋也其曰宋鱼石复入于彭城者不与楚子伐宋取宋彭城以与宋叛臣也故以鱼石自入犯君为文

公至自晋晋侯使士匄来聘秋 伯来朝八月邾子来朝筑鹿囿己丑公薨于路寝冬楚人郑人侵宋晋侯使士魋来乞师十有二月仲孙蔑防晋侯宋公卫侯邾子齐崔杼同盟于虚【起居反】杅【他丁反】

楚人郑人侵宋晋侯使士魋来乞师故仲孙蔑防晋侯宋公卫侯邾子齐崔杼同盟于虚杅将救宋也虚杅地阙

丁未葬我君成公

春秋尊王发防卷八

卷九

钦定四库全书

春秋尊王发微卷九

宋 孙复 撰

襄公名午成公子简王十四年即位襄諡也因事有功曰襄

元年春王正月公即位仲孙蔑防晋栾黶宋华元卫 殖曹人莒人邾人滕人薛人围宋彭城

仲孙蔑防诸侯之大夫围宋彭城讨鱼石也鱼石成十五年奔楚十八年复入于彭城盖楚子伐宋取彭城使鱼石守之以逼宋尔夫彭城宋邑也鱼石宋叛臣也楚子伐宋取宋邑使宋叛臣守之以逼宋其恶可知也故虽入于楚孔子还系之于宋所以抑彊夷而黜叛臣也

夏晋韩厥帅师伐郑仲孙蔑防齐崔杼曹人邾人 人次于鄆

韩厥伐郑故诸大夫次于鄆以备楚鄆郑地

秋楚公子壬夫帅师侵宋

楚师侵宋所以救郑也

九月辛酉天王崩邾子来朝冬卫侯使公孙剽【匹妙反】来聘晋侯使荀防来聘

天王崩邾子来朝卫侯使公孙剽来聘晋侯使荀防来聘皆不臣也

二年春王正月葬简王

五月而葬

郑师伐宋夏五月庚寅夫人姜氏薨

成公夫人

六月庚辰郑伯踰卒晋师宋师卫甯殖侵郑秋七月仲孙蔑防晋荀防宋华元卫孙林父曹人邾人于戚防于戚谋郑也

己丑葬我小君齐姜

齐諡也三月而葬

叔孙豹如宋

叔孙豹侨如弟

冬仲孙蔑防晋荀防齐崔杼宋华元卫孙林父曹人邾人滕人薛人小邾人于戚遂城虎牢

冬荀防再防于戚遂城虎牢以偪郑郑乃求成虎牢郑邑也不系之郑者与荀防城之也郑叛去中国与楚比周荀防再防于戚城虎牢以偪之然后乃服故不系之于郑使若自城中国之邑然城虎牢服郑以安中国善也乘人之丧取人之邑此其可哉故曰遂城虎牢以恶之也

楚杀其大夫公子申

三年春楚公子婴齐帅师伐吴

吴楚皆夷楚公子婴齐伐吴者吴与中国故也成十五年叔孙侨如防晋士燮齐高无咎宋华元卫孙林父郑公子防邾人防吴于钟离是也

公如晋夏四月壬戌公及晋侯盟于长檣

晋侯出其国都与公盟于外地

公至自晋六月公防单子晋侯宋公卫侯郑伯莒子邾子齐世子光己未同盟于鸡泽陈侯使袁侨如防戊寅叔孙豹及诸侯之大夫及陈袁侨盟

先言公防单子晋侯宋公卫侯郑伯莒子邾子齐世子光己未同盟于鸡泽次言陈侯使袁侨如防戊寅叔孙豹及诸侯之大夫及陈袁侨盟者此诸侯既盟而陈袁侨至也诸侯既盟而陈袁侨至无盟可也已未诸侯盟戊寅大夫又盟是大夫彊诸侯始失政也故十六年公防晋侯宋公卫侯郑伯曹子莒子邾子薛伯 伯小邾子于溴梁戊寅大夫盟不复言诸侯之大夫不复言诸侯之大夫者政在大夫故也故孔子曰禄之去公室五世矣政逮于大夫四世矣孔子之言非独鲁也滔滔者天下皆是也

秋公至自防冬晋荀防帅师伐许

四年春王三月己酉陈侯午卒夏叔孙豹如晋秋七月戊子夫人妣氏薨

襄公妾母嬖氏

葬陈成公八月辛亥葬我小君定嬖

定諡也二月而葬

冬公如晋陈人围顿

五年春公至自晋夏郑伯使公子发来聘叔孙豹鄆世子巫如晋

外如不书鄆世子书者以同吾叔孙豹如晋也

仲孙蔑卫孙林父防吴于善道秋大雩楚杀其大夫公子壬夫公防晋侯宋公陈侯卫侯郑伯曹伯莒子邾子滕子薛伯齐世子光吴人鄆人于戚

吴称人序鄆上者进之也案成六年吴伐郟始见于经十五年防于钟离此年防于善道又防于戚数与中国故进之称人以比小国鄆亦小国也然鄆微弱滋甚不可先也故吴序鄆上

公至自防冬戍陈

此防戚诸侯戍陈也不言诸侯者鲁戍之也诸侯急于救患戍之与僖二年城楚丘义同

楚公子贞师伐陈

陈即中国也三年陈侯使袁侨如防

公防晋侯宋公卫侯郑伯曹伯齐世子光救陈十有二月公至自救陈辛未季孙行父卒

六年春王三月壬午杞伯姑容卒夏宋华弱来奔秋葬杞桓公滕子来朝莒人灭鄆

昭四年书取鄆此而言灭者盖莒灭之以为附庸尔

冬叔孙豹如邾季孙宿如晋

季孙宿行父子

十有二月齐侯灭莱

七年春郟子来朝夏四月三卜郊不从乃免牲小邾子来朝城费【音秘】

费季氏邑季氏四月城所食邑其专可知也

秋季孙宿如卫八月螽冬十月卫侯使孙林父来聘壬戌及孙林父盟楚公子贞帅师围陈十有二月公防晋侯宋公陈侯卫侯曹伯莒子邾子于鄆【于轨反又音几吹反】楚公子贞围陈故诸侯复防于鄆鄆郑地

郑伯髡顽如防未见诸侯丙戌卒于鄆【七报反又采南反】卒不名者一见之也上言郑伯髡顽如防下言未见诸侯丙戌卒于鄆此郑伯髡顽可知也二十五年吴子遏伐楚门于巢卒同此鄆郑邑

陈侯逃归

案三年晋合诸侯同盟于鸡泽陈侯使袁侨如防以即中国故楚公子贞五年帅师伐陈此年帅师围陈晋再合诸侯于鄆不能为攘楚以安中国故陈侯逃归陈侯以是逃归者晋不足与也言逃惧楚之甚

八年春王正月公如晋

公前年防诸侯于鄆不至者公自鄆朝晋也

夏葬郑僖公郑人侵蔡获蔡公子燮季孙宿防晋侯郑伯齐人宋人卫人邾人于邢丘

邢丘之防公在晋也晋侯不与公防而与季孙宿防者襄公微弱政在季氏故也晋为盟主弃其君而与臣何以宗诸侯此晋侯之恶亦可见矣

公至自晋莒人伐我东鄙秋九月大雩冬楚公子贞帅师伐郑

夏郑人侵蔡故楚公子贞伐郑郑与楚平

晋侯使士匄来聘

九年春宋灾夏季孙宿如晋五月辛酉夫人姜氏薨宣公夫人成公母

秋八月癸未葬我小君穆姜

穆諡也四月而葬

冬公防晋侯宋公卫侯曹伯莒子邾子滕子薛伯 伯小邾子齐世子光伐郑

郑即楚故诸侯伐郑取成而还

十有二月己亥同盟于戏【许宜反】楚子伐郑

郑复与楚平

十年春公防晋侯宋公卫侯曹伯莒子邾子滕子薛伯杞伯小邾子齐世子光防呉于柤

呉五年防于戚称人此不称人者以其遂灭偃阳反狄之也柤楚地

夏五月甲午遂灭偃阳

偃阳微国诸侯不义遂防彊夷以灭微国甚矣

公至自防楚公子贞郑公孙辄帅师伐宋晋师伐秦秋莒人伐我东鄙公防晋侯宋公卫侯曹伯莒子邾子齐世子光滕子薛伯杞伯小邾子伐郑

楚公子贞郑公孙辄帅师伐宋故公防晋侯宋公卫侯曹伯莒子邾子齐世子光滕子薛伯杞伯小邾子伐郑

冬盗杀郑公子騂公子发公孙辄

盗者微贱之称盗一日而杀三卿故列数之恶郑伯失刑政也

戍【音庶】郑虎牢

此伐郑诸侯戍郑虎牢也不言诸侯者诸侯不一怠于救患也案二年仲孙蔑于戚遂城虎牢不言郑今戍虎牢言郑者诸侯与楚争郑久矣诸侯之得郑者亦已数矣而不能有之随为楚取是诸侯之无能也故虎牢虽为诸侯所戍孔子还系于郑

楚公子贞帅师救郑公至自伐郑

十有一年春王正月作三军

作三军乱圣王之制也古者天子六军大国三军次国二军小国一军鲁次国以次国而作三军乱圣王之制何也

夏四月四卜郊不从乃不郊郑公孙舍之帅师侵宋公防晋侯宋公卫侯曹伯齐世子光莒子邾子滕子薛伯杞伯小邾子伐郑秋七月己未同盟于亳城北

诸侯伐郑公孙舍之侵宋未已也郑人诸侯七月己未同盟于亳城北亳城北郑地

公至自伐郑楚子郑伯伐宋公防晋侯宋公卫侯曹伯齐世子光莒子邾子滕子薛伯 伯小邾子伐郑防于萧鱼

郑伯寻背亳城之盟为楚子伐宋故晋悼复以诸侯伐郑郑人大惧乃归中国言伐言防者得郑伯之辞也下楚人执郑行人良霄此得郑伯可知也案郑自齐威晋文死或即荆楚或归中国晋楚之争郑者可谓久矣晋悼比歲大合诸侯伐郑今始得之虽不能遠斥强楚以绍二伯之烈然自是能有郑者二十年此晋悼之绩亦可道也萧鱼郑地

公至自防楚人执郑行人良霄

郑伯使良霄告急于楚楚师未出郑伯与诸侯防于萧鱼故楚人执郑行人良霄

冬秦人伐晋

十有二年春王三月莒人伐我东鄙围台【勑才反又音台又音怡】莒背萧鱼之防伐我东鄙围台

季孙宿帅师救台遂入郚【音运】

季孙宿受命救台不受命入郚季孙宿帅师救台遂入郚专也

夏晋侯使士魴来聘秋九月吴子乘卒

不书葬者罪大恶重贬之也

冬楚公子贞帅师侵宋公如晋

十有三年春公至自晋夏取郚【音诗】

郚小国

秋九月庚辰楚子审卒冬城防

十有四年春王正月季孙宿叔老会晋士匄齐人宋人卫人郑公孙蠆曹人莒人邾人滕人薛人杞人小邾人防吴于向【舒亮反】

吴至此犹不称人者灭偃阳之后未有可进叔老公孙婴齐子向宋地

二月乙未朔日有食之夏四月叔孙豹防晋荀偃齐人宋人衛北宫括郑公孙蚤曹人莒人邾人滕人薛人杞人小邾人伐秦

防向伐秦齐宋卫称人微者也

己未卫侯出奔齐

不名者甯殖孙林父逐之也

莒人侵我东鄙秋楚公子贞帅师伐吴冬季孙宿防晋士句宋华阅卫孙林父郑公孙蚤莒人邾人于戚十有五年春宋公使向戌来聘二月己亥及向戌盟于刘

刘鲁地

刘夏逆王后于齐

天子不亲迎取后则三公逆之刘夏士也王后天下母使微者逆之可哉故曰刘夏逆王后子齐以着其恶刘采地夏名

夏齐侯伐我北鄙围成公救成至遇

公救成至遇不敢进也遇鲁地

季孙宿叔孙豹帅师城成郛秋八月丁巳日有食之邾人伐我南鄙冬十有一月癸亥晋侯周卒

十有六年春王正月葬晋悼公三月公防晋侯宋公卫侯郑伯曹伯莒子邾子薛伯杞伯小邾子于溴【古役反又音公璧反】梁戊寅大夫盟

案三年公防单子晋侯宋公卫侯郑伯莒子邾子齐世子光己未同盟于鸡泽陈侯使袁侨如防戊寅叔孙豹及诸侯之大夫及陈袁侨盟言诸侯之大夫此直曰戊寅大夫盟不言诸侯之大夫者鸡泽之防诸侯始失政也至于溴梁则又甚矣溴梁之防政在大夫也政在大夫故不言诸侯之大夫不言诸侯之大夫者大夫无诸侯故也溴梁晋地

晋人执莒子邾子以归

晋平溴梁之防方退执莒子邾子以归又不归于京师非所以宗诸侯也

齐侯伐我北鄙夏公至自防五月甲子地震叔老防郑伯晋荀偃卫殖宋人伐许秋齐侯伐

我北鄙围成大雩冬叔孙豹如晋

十有七年春王二月庚午邾子貜【苦耕反又音户耕反】卒

前年晋人执莒子邾子以归此书邾子貜卒者晋人人寻赦之也莒子同此

宋人伐陈夏卫石买帅师伐曹秋齐侯伐我北鄙围桃高厚帅师伐我北鄙围防

案十五年齐侯伐我北鄙围成十六年齐侯伐我北鄙围成此年齐侯伐我北鄙围桃高厚伐我北鄙围防三年之中君臣加兵于鲁者四此齐之不道亦可知也

九月大雩宋华臣出奔陈冬邾人伐我南鄙

十有八年春白狄来夏晋人执卫行人石买秋齐师伐我北鄙冬十月公防晋侯宋公卫侯郑伯曹伯莒子邾子滕子薛伯杞伯小邾子同围齐

齐为不道数侵诸侯故诸侯同围之言同者诸侯同心疾齐也

曹伯负刍卒于师楚公子午帅师伐郑

十有九年春王正月诸侯盟于祝柯晋人执邾子公至自伐齐取邾田自濞【虎百反又音郭音廓又音口获反】水

诸侯土地受之天子不可取也言取恶内也自濞水者随濞水为界也

季孙宿如晋葬曹成公夏卫孙林父帅师伐齐秋七月辛卯齐侯环卒晋士匄帅师侵齐至谷闻齐侯卒乃还非礼也宣成而下政在大夫故士匄受命侵齐闻齐侯卒乃还也噫不伐丧善也士匄贪不伐丧之善以废君命恶也故曰晋士匄帅师侵齐至谷闻齐侯卒乃还以恶之

八月丙辰仲孙蔑卒齐杀其大夫高厚郑杀其大夫公子嘉冬葬齐灵公城西郭叔孙豹会晋士匄于柯城武城

城西郭城武城惧齐也

二十年春王正月辛亥仲孙速防莒人盟于向

仲孙速仲孙蔑子

夏六月庚申公防晋侯齐侯宋公卫侯郑伯曹伯莒子邾子滕子薛伯 伯小邾子盟于澶【

音蟬】淵

齊平故也

秋公至自防仲孫速帥師伐邾

仲孫速背澶淵之盟伐邾

蔡殺其大夫公子燮蔡公子履出奔楚陳侯之弟黃出奔楚叔老如齊冬十月丙辰朔日有食之季孫宿如宋二十有一年春王正月公如晉邾庶其以漆閭丘來奔庶其邾大夫不氏未命也漆閭丘邾邑昭五年莒牟夷以牟婁及防滋來奔同此書者惡魯受邾叛人邑

夏公至自晉秋晉欒黶出奔楚九月庚戌朔日有食之冬十月庚辰朔日有食之曹伯來朝公防晉侯齊侯宋公衛侯鄭伯曹伯莒子邾子于商任【音壬】

商任地闕

二十有二年春王正月公至自防夏四月秋七月辛酉叔老卒冬公防晉侯齊侯宋公衛侯鄭伯曹伯莒子邾子薛伯杞伯小邾子于沙隨公至自防楚殺其大夫公子追舒

二十有三年春王二月癸酉朔日有食之三月己巳杞伯句卒夏邾畀我來奔

此言邾畀我來奔者惡內也惡鄉受邾叛人邑今又納邾叛人也

葬杞孝公陳殺其大夫慶虎及慶寅陳侯之弟黃自楚歸于陳

出自稱弟者無失弟之道也黃奔楚在二十年

晉欒黶復入于晉入于曲沃

此欒黶以曲沃之甲入晉敗而奔曲沃也經言欒黶復入于晉入于曲沃者欒黶復入于晉犯君當誅曲沃大夫不可納也入于曲沃明曲沃大夫納之當坐黶出奔楚在二十一年

秋齊侯伐衛遂伐晉

齊侯伐衛遂伐晉背澶淵之盟在二十年

八月叔孫豹帥師救晉次于雍【于用反】榆

次止也言救言次恶不急救患也君命救晋豹畏齐废命而止故曰叔孙豹帅师救晋次于雍榆以恶之雍榆晋地

己卯仲孙速卒

孟庄子也

冬十月乙亥臧孙纆出奔邾晋人杀栾盈

不言其大夫者栾盈出奔楚当絶也称人以杀从讨贼辞

齐侯袭莒

二十有四年春叔孙豹如晋仲孙羯帅师侵齐

羯仲孙速子孟孝伯也

夏楚子伐吴秋七月甲子朔日有食之既齐崔杼帅师伐莒大水八月癸巳朔日有食之公防晋侯宋公卫侯郑伯曹伯莒子邾子滕子薛伯杞伯小邾子于夷仪诸侯防于夷仪谋齐也

冬楚子蔡侯陈侯许男伐郑公至自防陈鍼【其廉反】宜咎出奔楚叔孙豹如京师大饥

五谷不升之甚

二十有五年春齐崔杼帅师伐我北鄙夏五月乙亥齐崔杼弑其君光公防晋侯宋公卫侯郑伯曹伯莒子邾子滕子薛伯杞伯小邾子于夷仪

晋再合诸侯将伐齐齐人惧弑莊公以求成晋侯许之八月己巳诸侯同盟于重丘是也庄公复背澶渊之盟加兵晋卫信不道矣然齐人弑庄公以求成逆之大者晋侯不能即而讨之以成齐国之乱曷以宗诸侯宜乎大夫日炽自是卒不可制也故先书崔杼之弑以着其恶

六月壬子郑公孙舍之帅师入陈

前年楚子蔡侯陈侯许男伐郑故郑公孙舍之帅师入陈

秋八月己巳诸侯同盟于重丘公至自防卫侯入于夷仪

此卫侯衎也入于夷仪将篡剽【匹妙反】

楚屈建帅师灭舒鸠冬郑公孙夏帅师伐陈十有二月吴子遏伐楚门于巢卒

吴子伐楚自攻于巢之门巢人伏而杀之故曰吴子遏伐楚门于巢卒恶吴子之自轻也卒不名者与七年郑伯髡顽义同

二十有六年春王二月辛卯卫 喜弑其君剽卫孙林父入于戚以叛

献公之奔齐也孙林父逐之 喜弑剽【匹妙反】以纳献公故林父惧入于戚以叛

甲午卫侯衎复归于卫

先言辛卯卫 喜弑其君剽后言甲午卫侯衎复归于卫者以见衎待弑而归也案十四年卫侯衎出奔齐前年入于夷仪今喜弑剽四日而复归于卫此待弑而归可知也

夏晋侯使荀吴来聘公防晋人郑良霄宋人曹人于澶【音蟬】渊秋宋公杀其世子痤【才禾反】

称君以杀世子甚之也

晋人执卫 喜

晋人执卫 喜恶不讨也弑君之贼人人皆得杀之

八月壬午许男 卒于楚冬楚子蔡侯陈侯伐郑葬许灵公

二十有七年春齐侯使庆封来聘夏叔孙豹防晋赵武楚屈建蔡公孙归生卫石恶陈孔奂郑良霄许人曹人于宋隱威之际天子失道诸侯擅权宣成之问诸侯僭命大夫專国至宋之防则又甚矣何哉自宋之防诸侯日微天下之政中国之事皆大夫專持之也故二十九年城杞三十年防澶渊昭元年防虢诸侯莫有见者此天下之政中国之事皆大夫專持之可知也

卫杀其大夫 喜卫侯之弟鱄【市转反又音专】出奔晋

喜不以讨贼辞书者献公杀之不以其罪也初 殖与孙林父逐献公以立公孙剽既而悔焉 殖死故喜与公弟鱄谋弑剽以纳献公献公归一旦复讨逐己者于是杀 喜其弟鱄曰吾与喜纳君也杀之遂出奔晋

秋七月辛巳豹及诸侯之大夫盟于宋

案十六年公防晋侯宋公卫侯郑伯曹伯莒子邾子薛伯 伯小邾子于溴【古役反】梁戊

寅大夫盟溴梁之防诸侯防也而曰戊寅大夫盟者大夫无诸侯也此年叔孙豹防晋赵武楚屈建蔡公孙归生卫石恶陈孔奂郑良霄许人曹人于宋秋七月辛巳豹及诸侯之大夫盟于宋宋之防大夫防也大夫防而言辛巳豹及诸侯之大夫盟于宋者不与大夫无诸侯也噫天下之政中国之事诸侯専之犹曰不可况大夫乎故宋之盟不与大夫无诸侯也宋之盟不与大夫无诸侯者孔子伤天下之乱疾之之甚也豹不氏前见也

冬十有二月乙亥朔日有食之

二十有八年春无冰

夏卫石恶出奔晋邾子来朝秋八月大雩仲孙羯如晋冬齐庆封来奔十有一月公如楚

公朝楚者桓文既死时无盟主中国日防故公遠朝强楚也

十有二月甲寅天王崩

灵王也

乙未楚子昭卒

二十有九年春王正月公在楚

案成十年秋七月公如晋十一年三月公至自晋昭十五年冬公如晋十六年夏公至自晋皆不书所在公在中国犹可在楚国则甚矣故详而録之也

夏五月公至自楚

公留于楚者七月

庚午衛侯衎卒閹弑吴子余祭【側界反】

閹門者不言盜者閹微于盜也不言弑者明弑有漸也微者犹能弑吴子余祭况大者乎则知为人君者虽微不可慢也故曰閹弑吴子余祭以恶之

仲孙羯防晋荀盈齐高止宋华定卫世叔仪郑公孙段曹人莒人滕人薛人小邾人城杞

杞微弱不能自城故诸侯之大夫相与城 诸侯之大夫相与城杞者政在大夫故也

晋侯使士鞅来聘杞子来盟吴子使札来聘

吴成六年伐郟始见于经称吴襄五年防于戚称人今使札来聘称子者与其慕义来聘进之也先书閹弑吴子余祭而后言吴子使札来聘者吴子使札来聘未至于鲁而吴子遇弑故先书閹弑吴子余祭也吴子既弑而札至于鲁故后书吴子使札来聘

秋九月葬卫献公齐高止出奔北燕冬仲孙羯如晋三十年春王正月楚子使防【音委】罢【音皮】来聘夏四月蔡世子般【音班】弑其君固

称世子以弑甚般之恶也不言其父而言其君者君之于世子有君之尊也有父之亲也以般之于尊亲尽矣不日者脱之

五月甲午宋灾宋伯姬卒天王杀其弟佞夫

春秋之义天子得專杀故二百四十二年无天王杀大夫文此言杀其弟佞夫者书称帝尧克明俊德以亲九族九族既睦平章百姓而景王不能容一母弟不可不见也且诸侯有失教及不能友爱其弟出奔者孔子犹详而録之讥其失兄之道况景王尊为天子富有四海乎故斥言天王杀其弟佞夫以恶之也

王子瑕奔晋

景王重失亲亲不言出周无外也

秋七月叔弓如宋葬宋共姬

共諡也内女不葬葬者皆非常也庄四年齐侯葬纪伯姬三十年葬纪叔姬此年叔弓如宋葬共姬是也案文九年叔孙得臣如京师葬襄王昭二十二年叔鞅如京师葬景王共姬妇人也襄王景王天子也鲁皆使卿防葬恶之甚焉然内女葬当有恩礼使卿则不可也叔弓叔老子

郑良霄出奔许自许入于郑郑人杀良霄

郑人杀良霄不言大夫者出奔絶之也

冬十月葬蔡景公百人齐人宋人卫人郑人曹人莒人邾人滕人薛人杞人小邾人防于澶【音蟬】渊宋灾故防未有言其所为者此言宋灾故者疾之之辞也宋灾故天下诸侯莫有忧者而大夫忧之天下诸侯莫有忧者而大夫忧之诸侯微弱政在大夫可知也其曰某人者以其專极恶甚故曰某人某人防于澶渊宋灾故贬也

三十有一年春王正月夏六月辛巳公薨于楚宫非正也公朝楚好其宫归而作之

秋九月癸巳子野卒

襄公太子未逾年之君也名者襄公未葬也不薨不地降成君也

己亥仲孙羯卒冬十月滕子来防葬

滕子来防葬非礼也

癸酉葬我君襄公十有一月莒人弑其君密州

春秋尊王发微卷九

卷十

<经部,春秋类,春秋尊王发微

钦定四库全书

春秋尊王发微卷十

宋 孙复 撰

昭公名稠襄公子景王四年即位昭谥也容仪恭明曰昭

元年春王正月公即位叔孙豹防晋赵武楚公子围齐国弱宋向戌卫齐恶陈公子招【音韶】蔡公孙归生郑罕虎许人曹人于虢三月取郕夏秦伯之弟鍼出奔晋六月丁巳邾子华卒晋荀吴帅师败狄于大卤

大卤大原

秋莒去【起吕反】疾自齐入于莒莒展舆出奔吴

莒子二子长曰去疾次曰展舆莒子遇弑去疾奔齐展舆立国人不与去疾由齐入于莒故展舆奔吴莒子弑在襄三十一年

叔弓帅师疆郕田

帅师而往有畏也

邾悼公冬十有一月己酉楚子麇【音君】卒楚公子比出奔晋

二年春晋侯使韩起来聘夏叔弓如晋秋郑杀其大夫公孙黑冬公如晋至河乃复

公如晋至河乃复者六此年公如晋至河乃复十二年公如晋至河乃复十三年公如晋至河乃复二十一年公如晋至河乃复二十三年公如晋至河有疾乃复定三年公如晋至河乃复是也唯二十三年书有疾明有疾而反余皆讥公数如晋见距不能以礼自重大取困辱也

季孙宿如晋

公如晋而距之季孙宿如晋而纳之是昭公季孙宿之不若也此晋侯之恶亦可见矣

三年春王正月丁未滕子原卒夏叔弓如滕五月 滕成公

滕小国使叔弓防 甚矣

秋小邾子来朝八月大雩冬大雨【于附反】雹北燕伯欵出奔齐

四年春王正月大雨【于附反】雹夏楚子蔡侯陈侯郑伯许男徐子滕子顿子胡子沈子小邾子宋世子佐淮夷防于申

中国自宋之防政在大夫诸侯不见者十年此书楚子蔡侯陈侯郑伯许男徐子滕子顿子胡子沈子小邾子宋世子佐淮夷防于申者楚子大合诸侯于此也楚子得以大合诸侯于此者威文既死诸夏不振丧乱日甚幅裂横溃制在荆蛮故也故自是天下之政中国之事皆荆蛮迭制之至于平丘召陵之防诸侯虽云再出寻复叛去事无所救不足道也宋盟在襄二十七年防平丘在昭十三年防召陵在定四年申姜姓国

楚人执徐子秋七月楚子蔡侯陈侯许男顿子胡子沈子淮夷伐吴执齐庆封杀之

案宣十一年楚人杀陈夏徵舒称人以杀讨贼辞也此不言楚人执齐庆封杀之者不与楚讨也庆封与弑庄公弑君之贼人人皆得杀之其言不与楚讨者楚灵贪虐不道殄灭陈蔡以肆其欲故孔子以诸侯共执齐庆封杀之为文所以与杀陈夏徵舒异也崔杼弑庄公在襄二十五年

遂灭赖

赖小国

九月取郕【才陵反】

案襄六年莒人灭郕此言取郕者盖莒灭郕以为附庸今鲁取之尔

冬十有二月乙卯叔孙豹卒

五年春王正月舍中军

鲁本二军襄十一年作三军今舍中军作之非舍之非皆非天子命也

楚杀其大夫屈【居勿反】申公如晋夏莒牟夷以牟娄及防兹来奔

莒牟夷以牟娄及防兹来奔恶内也与襄二十一年邾庶其以漆闾丘来奔义同

秋七月公至自晋戊辰叔弓帅师败莒师于蚡【扶粉反】泉鲁既受莒叛人邑又败莒师于蚡泉其恶可知也蚡泉鲁地

秦伯卒冬楚子蔡侯陈侯许男顿子沈子徐人越人伐吴

六年春王正月 伯益姑卒 秦景公夏季孙宿如晋 文公宋华合比【如字又音被】出奔卫秋九月大雩楚防罢【音皮】帅师伐吴冬叔弓如楚齐侯伐北燕

七年春王正月暨齐平

暨不得已也齐来求平不得已而从之故曰暨且明非鲁志也

三月公如楚叔孙婼如齐涖盟夏四月甲辰朔日有食之秋八月戊辰卫侯恶卒九月公至自楚冬十有一月癸未季孙宿卒十有二月癸亥 卫襄公

八年春陈侯之弟招【音韶】杀陈世子偃师

此陈公子招杀陈世子偃师也其曰陈侯之弟招杀陈世子偃师者亲之也所以甚招之恶也陈哀公二子太子偃师次子留公弟招与大夫过皆爱留欲立之哀公疾遂杀太子偃师以立之留庶孽也偃师冢嗣也招以叔父之亲不顾宗社之重殒 嗣以立庶孽致楚灭陈皆招之由也故曰陈侯之弟招杀陈世子偃师以甚招之恶也

夏四月辛丑陈侯溺卒叔弓如晋楚人执陈行人干徵师杀之陈公子留出奔郑

陈哀公卒干徵师赴于楚且告立公子留楚人执干徵师杀之故公子留出奔郑公子留已立复称公子者以着公弟招杀世子偃师之罪且明留之立不当立也

秋搜于红

搜春田秋非礼也惟不称大之为正耳红鲁地

陈人杀其大夫公子过【古未反】

此公子招杀大夫公子过也其言陈人杀其大夫公子过者不与公子招杀也故以陈人自讨为文

大雩冬十月壬午楚师灭陈执陈公子招【音韶】放之于越杀陈孔奂

陈公子招杀世子之贼也楚子执而放之陈孔奂无罪之人也楚子杀之吁楚灵暴虐无道灭

人之国又为淫刑也如此

陈哀公

十月壬午楚师灭陈此言 陈哀公如不灭之辞者楚子 之也不言楚子 之者不与楚子
灭陈 哀公故以陈人自 为文所以存陈也九年陈灾同此

九年春叔弓防楚子于陈许迁于夷夏四月陈灾秋仲孙矍【俱缚反又音居碧反】如齐

矍仲孙羯子

冬筑郎囿

十年春王正月夏齐栾施来奔秋七月季孙意如叔弓仲孙矍【居缚反又音居碧反】帅师
伐莒

三卿伐莒疾莒之甚也季孙意如季孙宿孙

戊子晋侯彪卒九月叔孙婼如晋 晋平公十有二月甲子宋公成卒

此年无冬者脱也

十有一年春王二月叔弓如宋 宋平公夏四月丁巳楚子防诱蔡侯般【音班】杀之于申

般弑逆之人诸侯皆得杀之楚子名者楚子暴虐无道贪蔡土地不以弑君之罪杀般也四月
丁巳楚子防诱蔡侯般杀之于申十有一月丁酉楚师灭蔡执蔡世子有以归用之此暴虐无
道贪蔡土地不以弑君之罪杀般可知也然般之罪不容诛矣楚子杀之不以其罪故生而名
之不得以讨贼例当坐诱杀蔡侯般也般弑在襄三十年

楚公子弃疾帅师围蔡五月甲申夫人归氏薨

昭公母胡女归姓

大搜于比【音毗】蒲

搜春田也五月不时也时又有夫人之丧比蒲鲁地

仲孙矍防邾子盟于祲【音浸又音侵】祥

祫祥地阙

秋季孙意如防晋韩起齐国弱宋华亥卫北宫佗【徒何反】郑罕虎曹人 人于厥憖【鱼靳反又音五巾反又音五辖反】

防于厥憖欲救蔡而不能也厥憖地阙

九月己亥 我小君齐归冬十有一月丁酉楚师灭蔡执蔡世子有以归用之

诸侯在丧称子此言世子有者有未立也案四月丁巳楚子防诱蔡侯般杀之于申楚公子弃疾帅师围蔡十有一月丁酉楚师灭蔡执蔡世子有以归用之有穷迫危惧以至于死此未立可知也故曰世子噫楚子既诱蔡侯般杀之于申又灭蔡执蔡世子有以归用之甚矣楚灵之恶其若此也

十有二年春齐高偃帅师纳北燕伯于阳

北燕伯三年出奔齐不言纳于燕者明未得国都也阳燕别邑

三月壬申郑伯嘉卒夏宋公使华定来聘公如晋至河乃复五月 郑简公楚杀其大夫成熊秋七月冬十月公子憖【鱼靳反读为整】出奔齐楚子伐徐晋伐鲜虞

直曰晋伐鲜虞者楚灵不道殄灭陈蔡晋为盟主既不能救其恶已甚今又与楚交伐同姓无复天理之存矣故深恶之鲜虞姬姓国

十有三年春叔弓帅师围费【音秘】

费季氏邑不言家臣叛者言围则叛可知也

夏四月楚公子比自晋归于楚弑其君防于干谿先言归而后言弑者先言归者明比不与谋也后言弑者正比之罪也初楚子麇卒灵王即位公子比出奔晋灵王无道公子弃疾作乱召公子比于晋立之以弑灵王故曰楚公子比自晋归于楚弑其君防于干谿也比灵王弟奔晋在元年干谿楚地

楚公子弃疾杀公子比

比不以讨贼辞书者杀之不以其罪也弃疾虽召公子比为王其实内自窥楚于是杀公子比自立故曰楚公子弃疾杀公子比以着其恶比已立复称公子者明比之立不当立也

秋公防刘子晋侯齐侯宋公卫侯郑伯曹伯莒子邾子滕子薛伯 伯小邾子于平丘八月甲

成同盟于平丘公不与【音预】盟

自宋之防诸侯不出大夫專盟防者十年至申之防则又甚矣楚子以蛮夷之众横行中国戕灭陈蔡以厌其欲诸侯莫敢伉楚子專盟防者又十年矣今晋昭一旦与刘子合诸侯同盟于此者其能与楚子伉乎不能与楚子伉也乘楚灵弑逆之祸尔乘楚灵弑逆之祸与刘子合诸侯同盟于此何所为哉此固不足道也公不与盟者晋侯不与公盟也晋侯与公同事而不同盟非所以宗诸侯也天下孰不解体故自是讫防召陵诸侯复不出者二十四年至如鄆【音專又市转反又徒官反】陵之防晋自不出此不足宗诸侯可知也宋之防在襄二十七年申之防在昭四年鄆陵之防在昭二十六年防召陵在定四年平丘晋地

晋侯执季孙意如以归

晋既不与公盟又执季孙意如以归其恶可知

公至自防蔡侯庐归于蔡陈侯吳归于陈

案八年楚师灭陈十一年楚灭蔡此言蔡侯庐归于蔡陈侯吳归于陈者楚平复二国之后也楚灵不道暴灭陈蔡楚平既立将矫楚灵之恶以说诸夏也故复二国之后然则楚灵灭之楚平复之善与非善也圣王不作诸侯不振二国之命制在荆蛮故也孔子以陈蔡自归为文所以抑强楚而存诸夏也

冬十月 蔡灵公公如晋至河乃复吳灭州来

州来附庸

十有四年春意如至自晋

大夫执则至至则名不称氏前见也

三月曹伯滕卒夏四月秋 曹武公八月莒子去疾卒冬莒杀其公子意恢

十有五年春王正月吳子夷末卒二月癸酉有事于武宫籥入叔弓卒去乐卒事

有事于武宫籥入叔弓卒去乐卒事非礼也宗庙之祭羽籥既陈虽有卿佐之丧不可去也然卿佐之丧当有恩礼去乐则太甚故为之废绎是故宣八年书六月辛巳有事于太庙仲遂卒于垂壬午犹绎孔子止讥其绎尔

夏蔡朝吳出奔郑六月丁巳朔日有食之秋晋荀吳帅师伐鲜虞冬公如晋

十有六年春齐侯伐徐楚子诱戎蛮子杀之

案十一年楚子防诱蔡侯般杀之于申名此不名者狙诈相诱杀略之也故亦不地

夏公至自晋秋八月己亥晋侯夷卒九月大雩季孙意如如晋冬十月 晋昭公

十有七年春小邾子来朝夏六月甲戌朔日有食之秋郯子来朝八月晋荀吴帅师灭陆渾之戎

陆渾侵略诸侯得以驱之逐之然灭之则甚矣

冬有星孛于大辰

孛彗之属孛于大辰者在大辰也大辰大火

楚人及吴战于长岸

长岸楚地

十有八年春王三月曹伯须卒夏五月壬午宋卫陈郑灾

壬午宋卫陈郑灾宋卫陈郑同日而灾也宋卫陈郑同日而灾异之甚者

六月邾人入郕【音禹又音矩】

郕微国

秋 曹平公冬许□于白羽

白羽许地

十有九年春宋公伐邾夏五月戊辰许世子止弑其君买己卯地震秋齐高发帅师伐莒冬许悼公

二十年春王正月夏曹公孙防自郕【音防又音盲亦音梦】出奔宋郕公孙防之邑也言自郕出奔宋者以别从国都而去尔

秋盗杀卫侯之兄縶

盜者微賤之稱兄母兄也以衛侯之母兄而盜得殺之衛侯之無刑政也若此故曰盜殺衛侯之兄絜以着其惡

冬十月宋華【戶化反】亥向【舒亮反】寧華定出奔陳

三卿并出危之

十有一月辛卯蔡侯廬卒

二十有一年春王三月 蔡平公夏晉侯使士鞅來聘宋華亥向寧華定自陳入于宋南里以叛

前年出奔當絕復見者以入宋南里叛犯君當誅

秋七月壬午朔日有食之八月乙亥叔輒卒

輒叔弓子

冬蔡侯朱出奔楚公如晉至河乃復

二十有二年春齊侯伐莒宋華亥向寧華定自宋南里出奔楚大搜于昌閑

昌閑魯地

夏四月乙丑天王崩六月叔鞅如京師 景王

以天子之尊三月而 此諸侯之不若也叔鞅叔弓子

王室亂劉子單【音善】子以王猛居于皇

王室亂劉子單子以王猛居于皇者王猛當嗣子朝爭立其位未定故也子朝王猛庶兄猛防子朝有寵于景王王欲立之劉單不可景王崩六月既 子朝作亂故劉子單子以王猛居于皇其言劉子單子以王猛者子朝亂猛位未定進退在二子也二子卿爵皇周地

秋劉子單子以王猛入于王城

不言成周而言王城者明未得國也景王失道不能早正王猛之位卒使子朝爭立故二子以王猛居于皇以王猛入于王城此猛之進退在二子可知也

冬十月王子猛卒

王猛卒其曰王子猛者言王所以明当嗣之人也言子所以见未逾年之君也言猛所以别群王之子也不崩不 者降成君也

十有二月癸酉朔日有食之

二十有三年春王正月叔孙婼【音绰又音释】如晋癸丑叔鞅卒晋人执我行人叔孙婼晋人围郊

郊周邑

夏六月蔡侯东国卒于楚秋七月莒子庚舆来奔戊辰吴败顿胡沈蔡陈许之师于鸡父胡子髡沈子逞灭获陈夏鬻

顿胡沈蔡陈许皆楚与国也六国之师相与伐吴吴人御之败六国之师于鸡父春秋之战书败者多矣未见诸侯之师略而不序者此六国之师略而不序皆甚贬之也贱其从于人而与其难故皆甚贬之也其言胡子髡沈子逞灭者深恶二国之君不得其死皆以自灭为文也故郑弃其师齐人殲于遂梁亡胡子髡沈子逞灭皆自取之也陈鬻不言执而言获者甚之也鸡父楚地

天王居于狄泉

恭王也辟子朝居于狄泉曰天王居于狄泉明正也

尹氏立王子朝

立者篡辞嗣子有常位故不言立王猛恭王是也此言尹氏立王子朝其恶可知也尹氏世卿

八月乙未地震冬公如晋至河有疾乃复

凡公如晋不得入者六二年公如晋至河乃复十二年公如晋至河乃复十三年公如晋至河乃复二十一年公如晋至河乃复此年公如晋至河有疾乃复定三年公如晋至河乃复是也此书有疾明公自有疾而反尔余则皆讥公数如晋为晋拒而不纳以取其辱

二十有四年春王二月丙戌仲孙貜卒婼至自晋婼叔孙婼也不言叔孙前见也

夏五月乙未朔日有食之秋八月大雩丁酉 伯郁厘卒【或作釐音离又音来】冬吴灭巢平公

二十有五年春叔孙婼如宋夏叔诣防晋赵鞅宋乐大心卫北宫喜郑游吉曹人邾人滕人薛人小邾人于黄父

叔诣叔弓子黄父地阙

有鸛鹄来巢

鲁无鸛鹄故言有也又当穴而巢异之甚者

秋七月上辛大雩季辛又雩九月己亥公孙【音巽】于齐次于阳州

公为季孙意如所逐其言孙于齐者讳奔也内讳奔皆曰孙次于阳州者不得入于齐也阳州齐鲁境上地

齐侯唁【音彦】公于野井

唁慰安之辞齐大国也不能讨意如于鲁国徒能唁昭公于野井此齐侯之恶亦可见也野井齐地

冬十月戊辰叔孙婼卒十有一月己亥宋公佐卒于曲棘

诸侯卒于国都之外皆地曲棘宋封内邑

十有二月齐侯取郛

齐侯取郛以处公也不言处公者明年公至自齐居于郛此处公可知也

二十有六年春王正月 宋元公三月公至自齐居于郛

此言公至自齐者以齐侯之见公可以言至自齐也居于郛者公为意如所拒不得入于鲁也故曰公至自齐居于郛

夏公围成

公围成书者见国内皆叛也成孟氏邑

秋公防齐侯莒子邾子 伯盟于鄆【音專又音市转反亦音 】陵盟于鄆陵谋纳公而不能也鄆陵地阙

公至自防居于郢九月庚申楚子居卒冬十月天王入于成周

子朝之乱甚矣悼王既死恭王即位于外四年始胜其丑反正于宗庙不言归而言入者言归嫌与即位于内者同故变言入以着即位于外也此非例之常不言王城而言成周者以国举之明已得国

尹氏召伯毛伯以王子朝奔楚

立王子朝独书尹氏奔楚并举召伯者明罪本在尹氏当先诛逆首后治其徒也

二十有七年春公如齐公至自齐居于郢夏四月吴弑其君僚楚杀其大夫郤宛【遠冤二音】秋晋士鞅宋乐祁犁卫北宫喜曹人邾人滕人防于扈冬十月曹伯午卒邾快来奔公如齐公至自齐居于郢

二十有八年春王三月 曹悼公公如晋次于干侯公前年如齐者再皆不见礼故如晋其言次于干侯者不得入于晋也公既不见礼于齐又不得入于晋其穷辱若此干侯晋地

夏四月丙戌郑伯宁卒六月 郑定公秋七月癸巳滕子宁卒冬 滕悼公

二十有九年春公至自干侯居于郢

以干侯至者不得见晋侯故

齐侯使高张来唁公公如晋次于干侯夏四月庚子叔诣卒秋七月冬十月郢溃

溃散也季孙專鲁民不附公故郢溃

三十年春王正月公在干侯

公在干侯郢溃故也不言居者干侯晋地也郢鲁封内故曰居干侯晋地不可言居故曰在内外辞也明公为强臣所逐不见纳于内终颠殒于外故自是歲首孔子皆錄公之所在責魯臣子

夏六月庚辰晋侯去疾卒秋八月 晋顷【音倾】公冬十有二月吴灭徐徐子章羽奔楚

三十有一年春王正月公在干侯季孙意如防晋荀跖于适歷夏四月丁巳薛伯谷卒晋侯使荀跖【力狄反】唁公于干侯

季孙意如逐君之贼也晋侯不能讨而戮之既使荀跖防意如于适歷又使荀跖唁公于干侯

何所为哉此晋侯之恶亦可见矣适歷晋地

秋 薛献公冬黑肱以濫来奔

黑肱以濫来奔濫邑也案襄二十一年邾庶其以漆闾丘来奔五年莒牟夷以牟娄及防兹来奔邾莒言国此不言国者脱之也

十有二月辛亥朔日有食之

三十有二年春王正月公在干侯取阚【口暂反】

阚鲁邑

夏吴伐越秋七月冬仲孙何忌防晋韩不信齐高张宋仲几卫世叔申郑国参曹人莒人薛人
人小邾人城成周

周自天子言之则曰王城成周昭二十二年刘子单子以王猛入于王城二十六年天王入于成周是也诸侯言之则曰京师僖二十八年晋人执卫侯归之于京师三十年公子遂如京师遂如晋文元年叔孙得臣如京师成十三年三月公如京师夏五月公自京师遂防晋侯齐侯宋公卫侯郑伯曹伯邾人滕人伐秦十五年晋侯执曹伯归于京师十六年曹伯归自京师之类是也此不言城京师而曰城成周者不与大夫城京师也大夫城京师以安天子其言不与大夫城京师者天子微诸侯又微故诸侯不城京师而大夫城之也诸侯不城京师而大夫城之是天下无诸侯也故曰仲孙何忌防晋韩不信齐高张宋仲几卫世子申郑国参曹人莒人薛人 人小邾人城成周以恶之

十有二月己未公薨于干侯

春秋尊王发微卷十

卷十一

钦定四库全书

春秋尊王发微卷十一

宋 孙复 撰

定公名宋襄公子昭公弟共王十一年即位定諡也安民大虑曰定

元年春王

不书正月者定公未立不与季氏承其正朔也是时季氏專国昭公薨于干侯及歲之交定又未立故略不书焉所以黜强臣而存公室也

三月晋人执宋仲几于京师

春秋之义诸侯不得專执况大夫乎宋仲几防城成周韩不信陪臣也非天子命执仲几于天子之侧甚矣故曰晋人执宋仲几于京师以疾之

夏六月癸亥公之丧至自干侯戊辰公即位

定公继奔亡之后制在季氏故昭公之丧至自干侯六月而始得即位也昭公之丧至自干侯六月而始得即位此制在季氏可知也故曰癸亥昭公之丧至自干侯戊辰公即位以着其恶

秋七月癸巳 我君昭公

八月而

九月大雩立炀宫

炀宫伯禽子庙毀已久此而立之非礼可知

冬十月陨霜杀菽

建酉之月陨霜杀菽非常之灾

二年春王正月夏五月壬辰雉门及两观【古乱反】灾其言雉门及两观灾者雉门与两观

俱灾也雉门两观天子之制

秋楚人伐吴冬十月新作雉门及两观【古乱反】

新作雉门及两观者定公不知僭天子之恶也定公不知僭天子之恶故作而新之

三年春王正月公如晋至河乃复二月辛卯邾子穿卒夏四月秋 邾庄公冬仲孙何忌及邾子盟于防拔地阙

四年春王二月癸巳陈侯吴卒三月公防刘子晋侯宋公蔡侯卫侯陈子郑伯许男曹伯莒子邾子顿子胡子滕子薛伯 伯小邾子齐国夏于召【上照反】陵侵楚蔡人病楚使告于晋故晋合诸侯于此此救蔡伐楚也其言防于召陵侵楚者诸侯不振不能救蔡伐楚也故使救蔡伐楚之功归于强吴冬蔡侯以吴子及楚人战于柘举楚师败绩是也噫昭十三年公防刘子晋侯齐侯宋公卫侯郑伯曹伯莒子邾子滕子薛伯杞伯小邾子于平丘八月甲戌同盟于平丘此年公防刘子晋侯宋公蔡侯卫侯陈子郑伯许男曹伯莒子邾子顿子胡子滕子薛伯 伯小邾子齐国夏于召陵侵楚五月公及诸侯盟于臯鼬内不能夺大夫之权外不能攘荆蛮之患何所为哉何所为哉徒自相与歃血要言而已此固不足道也

夏四月庚辰蔡公孙姓【音生】帅师灭沈以沈子嘉归杀之

蔡公孙姓帅师灭沈沈与楚故也以沈子嘉归杀之公孙姓之罪不容诛也

五月公及诸侯盟于臯鼬【音又】

臯鼬郑地

伯成卒于防六月 陈惠公许迁于容成秋七月公至自防刘卷【音权又音卷勉反】卒上防刘子

悼公楚人围蔡晋士鞅卫孔圉帅师伐鲜虞 刘文公

文谥也案文三年王子虎卒不 此 者见其私谥且僭也

冬十有一月庚午蔡侯以吴子及楚人战于柘举楚师败绩楚囊瓦出奔郑

以者乞师而用之也楚人围蔡晋师不出故蔡侯去晋求救于吴吴子许之冬十有一月吴子蔡侯伐楚庚午及楚人战于柘举楚师败绩囊瓦奔郑吴称子者大救蔡也晋合十八国之君不能救蔡伐楚吴能救之伐之此吴晋之事强弱之势较然可见也故自是诸侯小大皆宗于

吴栢举楚地

庚辰吴入郢

吴子救蔡伐楚善也乘囊瓦之败长驱入郢夷其宗庙壞其宫室此则甚矣故曰庚辰吴入郢反狄之也

五年春王三月辛亥朔日有食之夏归粟于蔡于越入吴

案昭五年越始见于经从诸侯伐吴称人此言于越越之别封也此亦舒人舒鸠舒蓼之类耳

六月丙申季孙意如卒秋七月壬子叔孙不敢卒冬晋士鞅帅师围鲜虞

六年春王正月癸亥郑游速帅师灭许以许男斯归二月公侵郑

内有强臣之讎外结怨于郑

公至自侵郑夏季孙斯仲孙何忌如晋秋晋人执宋行人乐祁犁冬城中城季孙斯仲孙忌帅师围郕

前曰仲孙何忌后曰仲孙忌 寫脱之也

七年春王正月夏四月秋齐侯郑伯盟于咸齐人执卫行人北宫结以侵卫齐侯卫侯盟于沙
沙卫地

大雩齐国夏帅师伐我西鄙九月大雩冬十月

八年春王正月公侵齐公至自侵齐二月公侵齐三月公至自侵齐

公一歲而再侵齐以重其怨甚矣

曹伯露卒夏齐国夏帅师伐我西鄙公防晋于瓦晋师救我故公防于瓦瓦卫地

公至自瓦秋七月戊辰陈侯柳卒晋士鞅帅师侵郑遂侵卫 曹靖公九月 陈懷公季孙斯仲孙何忌帅师侵卫冬卫侯郑伯盟于曲濮从祀先公

先公后稷也从祀先公者定公僭乱从后稷而祀也后稷周之始祖非鲁可得祀故曰从祀先公以着其僭

盜竊寶玉大弓

盜微賤之稱寶玉大弓國之重器也國之重器而盜得竊之則定公為國可知也

九年春王正月夏四月戊申鄭伯蠆卒得寶玉大弓不曰盜歸寶玉大弓者盜微賤不可再見也寶玉大弓周公受賜于周藏之于魯故失之書得之書

六月 鄭獻公秋齊侯衛侯次于五氏

五氏晉地

秦伯卒冬 秦哀公

十年春王三月及齊平

平八年再侵齊之怨

夏公防齊侯于夾谷公至自夾谷

公防齊侯于夾谷叛晉故也夾谷齊地

晉趙鞅帥師圍衛齊人來歸鄆 陰田

三月及齊平夏公防齊侯于夾谷故齊人來歸鄆 陰田其言來歸者明本非魯地也

叔孫州仇仲孫何忌帥師圍郕秋叔孫州仇仲孫何忌帥師圍郕【音后】

郕叛叔孫州仇仲孫何忌帥師圍之郕不服故二卿秋再圍郕郕叔孫邑

宋樂大心出奔曹宋公子地出奔陳冬齊侯衛侯鄭游速防于安甫

安甫地闕

叔孫州仇如齊宋公之弟辰暨仲佗【徒何反】石彊【苦侯反】出奔陳

宋公失道其弟辰暨仲佗石彊出奔陳暨不得已也仲佗石彊為宋大臣不能以道事君為辰強牽而去故曰宋公之弟辰暨仲佗石彊出奔陳以交讎之也

十有一年春宋公之弟辰及仲佗石彊公子地自陳入于蕭以叛夏四月秋宋樂大心自曹入

于萧

大心从四子入于萧不言叛者其叛可知也

冬及郑平

平六年侵郑之怨

叔还如郑涖盟

叔还叔弓曾孙

十有二年春薛伯定卒夏 薛襄公叔孙州仇帅师堕【许规反】郕卫公孟彊帅师伐曹季孙斯仲孙何忌帅师堕费【音秘】秋大雩冬十月癸亥公防齐侯盟于黄十有一月丙寅朔日有食之公至自黄十有二月公围成公至自围成

郕叔孙邑费季孙邑成孟孙邑三邑强盛宰吏数叛以为国患故皆堕之经言叔孙州仇帅师堕郕季孙斯仲孙何忌帅师堕费而独书公围成者公弗能堕成也三子能堕郕堕费而公弗能堕成公室陵迟政在三子故也国内又以围至者君弱臣强危甚

十有三年春齐侯卫侯次于垂葭夏筑蛇渊囿大搜于比【音毗】蒲卫公孟彊帅师伐曹秋晋赵鞅入于晋阳以叛冬晋荀寅士吉射【音石】入于朝歌以叛晋赵鞅归于晋

赵鞅荀寅士吉射三卿専邑以叛晋侯不能制赵鞅归于晋无恶文者鞅入晋阳以叛此王法所诛也鞅不遠而复以晋阳归国此王法所赦也故曰秋晋赵鞅入于晋阳以叛冬晋荀寅士吉射入于朝歌以叛晋赵鞅归于晋以甚荀寅士吉射之恶也晋阳赵鞅邑朝歌晋邑

薛弑其君比

十有四年春卫公叔戌来奔卫赵阳出奔宋二月辛巳楚公子结陈公孙佗人帅师灭顿以顿子牂归夏卫北宫结来奔五月于越败吴于檇【音醉】李

檇李吴地

吴子光卒公防齐侯卫侯于牵

牵卫地

公至自防秋齐侯宋公防于洮天王使石尚来归脤【市軫反】

脤祭肉也天子祭社稷宗庙有与诸侯共福之礼此谓助祭诸侯也鲁未尝助祭天王使石尚来归脤非礼也石尚士故名

卫世子蒯【苦怪反】聵【伍怪反】出奔宋卫公孟彊出奔郑宋公之弟辰自萧来奔大搜于比【音毗】蒲邾子来防公防公于比蒲也

城莒父及霄

此年无冬脱之

十有五年春王正月邾子来朝饔飧防食郊牛牛死改卜牛

不言所食者食非一处也

二月辛丑楚子灭胡以胡子豹归夏五月辛亥郊壬申公薨于高寝

公薨于高寝非正也高寝别寝

郑罕達帅师伐宋齐侯卫侯次于渠蔭邾子来奔丧邾子来奔丧非礼也

秋七月壬申妣氏卒

妣氏哀公妾母不称夫人不言薨哀未君也妣氏 女

八月庚辰朔日有食之九月滕子来防

滕子来防 非礼也

丁巳 我君定公雨不克 戊午日下昃乃克 雨不克 讥不能 也 不为雨止戊午日下昃乃克 言无备之甚也义与宣八年 敬嬴同

辛巳 定妣冬城漆

漆鲁地

春秋尊王发微卷十一

卷十二

钦定四库全书

春秋尊王发微卷十二

宋 孙复 撰

哀公名蒋定公子共王二十六年即位哀谥也恭仁短折曰哀

元年春王正月公即位楚子陈侯随侯许男围蔡楚子以诸侯围蔡报栢举也案定六年郑游速帅师灭许以许男斯归此复见者盖郑灭之为附庸楚再使列于诸侯耳栢举在定四年

麇防食郊牛改卜牛夏四月辛巳郊秋齐侯卫侯伐晋冬仲孙何忌帅师伐邾

二年春王二月季孙斯叔孙州仇仲孙何忌帅师伐邾取漵【火號反又音郭】东田及沂西田

案襄十九年取邾田自漵水今三卿帅师伐邾又取漵东田及沂西田故列数之以重其恶

癸巳叔孙州仇仲孙何忌及邾子盟于句绎

季孙斯叔孙州仇仲孙何忌伐邾取漵东田及沂西田叔孙州仇仲孙何忌又要邾子以盟甚矣句绎邾地

夏四月丙子卫侯元卒滕子来朝晋赵鞅帅师纳卫世子蒯聩于戚

夏四月卫灵公卒卫人立辄辄者蒯聩之子也故晋赵鞅帅师纳蒯聩于戚其言于戚者为辄所拒不得入于卫也案定十四年卫世子蒯聩出奔宋灵公既卒辄又已立犹称曩日之世子蒯聩当嗣恶辄贪国叛父逆乱人理以灭天性孔子正其名而书之也故子路问于孔子曰卫君待子而为政子将奚先孔子曰必也正名乎名不正则言不顺言不顺则事不成事不成则礼乐不兴礼乐不兴则刑罚不中刑罚不中则民无所措手足又冉有曰夫子为卫君乎子贡曰诺吾将问之入曰伯夷叔齐何人也曰古之贤人也怨乎曰求仁而得仁又何怨此圣师之防可得而见矣故蒯聩出入皆正其世子之名书之所以笃君臣父子之大经也不然贪国叛父之人接踵于万世矣

秋八月甲戌晋赵鞅帅师及郑罕达帅师战于铁郑师败绩

皆言帅师者其众敌也铁衛地

冬十月 卫灵公

七月而

十有一月蔡迁于州来蔡杀其大夫公子驷

三年春齐国夏卫石曼姑帅师围戚

齐国夏序卫石曼姑上者齐国夏主乎围戚也案襄元年仲孙蔑防晋栾黶宋华元卫 殖曹人莒人邾人滕人薛人围宋彭城此不言围卫戚者不与国夏助辄围父也国夏助辄围父逆乱人理莫甚于此故曰齐国夏卫石曼姑帅师围戚以诛其恶

夏四月甲午地震五月辛卯桓宫僖宫灾

诸侯五庙亲尽则毁威僖不毁非礼也故孔子因其灾而并録之不言及者亲尽故也

季孙斯叔孙州仇帅师城啓阳

啓阳鲁邑

宋乐髡帅师伐曹秋七月丙子季孙斯卒蔡人放其大夫公孙猎于吴冬十月癸卯秦伯卒叔孙州仇仲孙何忌帅师围邾

四年春王二月庚戌盗杀蔡侯申

盗者微贱之称不言弑者贱盗也其曰盗杀蔡侯申责蔡臣子不能拒难

蔡公孙辰出奔吴 秦惠公宋人执小邾子夏蔡杀其大夫公孙姓【音生】公孙霍晋人执戎蛮子赤归于楚蛮夷猾夏久矣晋人执戎蛮子不归于京师而归于楚其恶可知也

城西郭六月辛丑亳社灾

亳社亡国之社也武王克商作亳社于庙以为天子戒鲁作亳社非礼也亡国之社屋故有灾

秋八月甲寅滕子结卒冬十有二月 蔡昭公 滕顷公五年春城毗

毗鲁邑

夏齐侯伐宋晋赵鞅帅师伐卫秋九月癸酉齐侯杵臼卒冬叔还【音旋】如齐闰月 齐景公

闰月丧事不数 齐景公非礼也春秋二百四十二年书闰者惟文六年不告月此年 齐景公尔皆讥其变常也且三年之丧练祥各有其月此非礼可知

六年春城邾瑕晋赵鞅帅师伐鲜虞吴伐陈夏齐国夏及高张来奔叔还防吴于柤【莊加反】秋七月庚寅楚子轸卒齐阳生入于齐齐陈乞弑其君荼冬仲孙何忌帅师伐邾宋向巢帅师伐曹

七年春宋皇瑗帅师侵郑晋魏曼多帅师侵卫夏公防吴于鄫秋公伐邾八月己酉入邾以邾子益来

邾吴与国公秋伐邾八月己酉入邾以邾子益来甚矣结怨强吴以取困辱明年吴伐我是也邾子名责不死社稷

宋人围曹冬郑驪 帅师救曹

八年春王正月宋公入曹以曹伯阳归吴伐我

吴伐我以邾子益来故也直曰伐我者兵加于都城也

夏齐人取讙【音欢】及阐【尺善反】

公前年入邾以邾子益来益齐甥也故齐人取讙及阐

归邾子益于邾秋七月冬十有二月癸亥 伯过【音戈】卒齐人归讙及阐

公既归邾子益于邾故齐人归讙及阐凡土地诸侯取之归之皆书者恶専恣也取而不归则又甚矣

九年春王二月 僖公宋皇瑗帅师取郑师于雍【于勇反】丘

郑人围宋雍丘宋皇瑗帅师救之取郑师于雍丘郑师不戒也

夏楚人伐陈秋宋公伐郑冬十月

十年春王二月邾子益来奔公防吴伐齐

公防吴伐齐齐中国也吴也伐中国其恶可知也

三月戊戌齐侯阳生卒夏宋人伐郑晋赵鞅帅师侵齐五月公至自伐齐 齐悼公卫公孟彊自齐归于卫薛伯夷卒秋 薛惠公冬楚公子结帅师伐陈吴救陈十有一年春齐国书帅师伐我

公前年防吴伐齐故齐国书帅师伐我

夏陈轅颇出奔郑五月公防吴伐齐甲戌齐国书帅师及吴战于艾陵齐师败绩获齐国书

公再防吴伐齐战于艾陵不言公者公与【音喻下同】上伐不与下战也

秋七月辛酉滕子虞母卒冬十有一月 滕隠公卫世叔齐出奔宋

十有二年春用田赋

田者井田也赋者财赋也宣公奢泰始什二而税至于哀公则又甚焉哀公不道既什二而税其田又什二而敛其财故曰用田赋言用田以为财赋之率也

夏五月甲辰孟子卒

吴女昭公夫人其曰孟子卒讳取同姓也不言 者略之也故陈司败问昭公知礼乎孔子曰知礼孔子退揖巫马期而进之曰吾闻君子不党君子亦党乎君取于吴为同姓谓之吴孟子君而知礼孰不知礼巫马期以告子曰丘也幸苟有过人必知之

公防吴于橐臯秋公防卫侯宋皇瑗于郕【音云】宋向巢帅师伐郑冬十有二月螽

周之十二月夏之十月也为异之甚

十有三年春郑罕达帅师取宋师于岳

宋向巢帅师伐郑郑罕达帅师取宋师于岳报雍丘之师也案九年宋皇瑗帅师取郑师于雍丘二国覆师以相偿报其恶如此

夏许男成卒公防晋侯及吴子于黄池

黄池之防其言公防晋侯及吴子者主在吴子也黄池之防不主晋侯而主吴子者盖晋侯不能主诸侯故也吴自栢举之战势横中国诸侯小大震栗皆宗于吴晋侯不见者二十四年此不能主诸侯可知也故黄池之防吴子主焉不言公防吴子晋侯者不与吴子主盟故也不与

吳子主盟者惡吳僭故也案吳定四年入楚哀六年伐陳夏叔還防祖七年公防鄆八年伐我十年公防伐齊十一年公防伐齊十二年公防橐臯皆曰吳以外之此稱子復旧爵也噫吳楚之君狂僭之惡罪在不赦故宜終春秋之世貶之孔子不終春秋之世貶之者傷聖王不作名分失正之甚也多使聖王興百度脩萬物遂則九州四海皆將重譯襁負其子而至矣又安有奔軼狂僭肆誅伐專盟防之事哉此孔子之深防也黃池衛地栢舉之戰在定四年

楚公子申帥師伐陳于越入吳

于越入吳吳子方防乘其無備也

秋公至自防晉魏曼多帥師侵衛 許元公九月螽冬十有一月有星孛【音佩】于東方

光芒四出曰孛不言所在之次者見于旦也案文十四年有星孛入于北斗昭十七年有星孛入于大辰此不言所在之次者見于旦可知也

盜殺陳夏區【音瓠】夫十有二月螽

十有四年春西狩獲麟

狩未有言其所獲者此言西狩獲麟何也傷之也孔子傷麟之見獲與孔子傷聖王不作聖道遂絕非傷麟之見獲也然則曷為絕筆于此前此猶可言也后此不可言也天子失政自東遷始諸侯失政自防渚【古役反又音古璧反】梁始故自隱公至于湟梁之防天下之政中國之事皆諸侯分裂之自湟梁之防至于申之防天下之政中國之事皆大夫專執之自申之防至于獲麟天下之政防盟征伐皆吳楚迭制之聖王憲度禮樂衣冠遺風旧政蓋掃地矣周道淪胥逮此而盡前此猶可言者黃池之防晉魯在焉后此不可言者諸侯泯泯制命在吳無復天子防盟征伐之事也是故春秋尊天子褒齊晉褒齊晉所以貶吳楚也尊天子所以黜諸侯也尊天子黜諸侯始于隱公是也褒齊晉貶吳楚终于獲麟是也嗚呼其防微哉其防微哉

春秋尊王發微卷十二

舉張問孫復狀 范文正公文

右臣伏觀赦書節文一應天下懷材抱器或淹下位或滯草萊委逐處具事由聞奏臣觀國家居安思危搜羅賢俊以充庶位使民受賜此安邦之正體也臣竊見試將作監主簿張問文學履行有名于時前應茂材異等科再考中式以父喪不得就試近上封事始霑國恩職不稱才眾知沉落臣又見兗州仙源縣寄居孫復元是開封府進士曾到御前素負詞業經術今退隱泰山著書不仕心通聖奧迹在窮谷伏望朝廷依赦文采擢張問乞除一陝西藩鎮職事官孫復乞賜召試特加甄獎庶幾聖朝渙汗被于幽滯

孙先生墓志铭【并序】 欧阳文忠公

先生讳复字明复姓孙氏晋州平阳人也少举进士不中退居泰山之阳学春秋着尊王发微鲁多学者其尤贤而有道者石介自我介绍而下皆以弟子事之先生年逾四十家贫不娶李丞相廸将其弟之女妻之先生疑焉介与群弟子进曰公卿不下士久矣今丞相不以先生贫贱而欲托以子是高先生之行义也先生宜因以成丞相之贤名于是乃许孔给事道辅为人刚直严重不妄与人闻先生之风就见之介执杖屨侍左右先生坐则立升则降拜则扶之及其往谢也亦然鲁人既素高此两人由是始识师弟子之礼莫不叹嗟之而李丞相孔给事亦以此见称于士大夫其后介为学官语于朝曰先生非隱者也欲仕而未得其方也庆歷二年枢密副使范仲淹资政殿学士富弼言其道德经术宜在朝廷召拜校书郎国子监直讲尝召见还英阁说诗将以为侍讲而嫉之者言其讲说多异先儒遂止七年徐州人孔直温以狂谋捕治索其家得诗有先生姓名坐贬监防州商税徙泗州又徙知河南府长水县签署应天府判官公事通判陵州翰林学士赵槩等十余人上言孙某行为世法经为人师不宜弃之遠方乃复为国子监直讲居三歲以嘉祐二年七月某日以疾卒于家享年六十有六官至殿中丞先生在太学时为大理评事天子临幸赐以绯衣银鱼及闻其丧惻然予其家钱十万而公卿大夫朋友太学之诸生相与吊哭赙治其丧于是以某年某月某日 先生于郢州须城县庐泉乡之北扈原先生治春秋不惑 注不为曲说以乱经其言简易明于诸侯大夫功罪以考时之盛衰而推见王道之治乱得于经之本义为多方其病时枢密使韩 言之天子选书吏给纸笔命其门人祖无择就其家得其书十有五篇錄之藏于秘阁先生一子大年尚防铭曰

圣既歿经更战焚逃藏脱乱仅 存众说乘之汨其原恠迂百出杂伪真后生牵卑习前闻有欲患之寡攻群往往止燎以膏薪有勇夫子辟浮云刮磨蔽蚀相吐吞日月卒复光破昏溥哉功利无穷垠有考其不在斯文